

四庫全書

子部

欽定四庫全書

子部

御定淵鑑類函卷三百五十一

詳校官鴻臚寺少卿

臣梁景陽

主事

臣祁韻士覆勘

總校官進士

臣繆琪

校對官中書

臣孫梅

謄錄監生

臣莊承替

欽定四庫全書

御定淵鑑類函卷三百五十一

居處部十二

苑園
開

苑園一

原應劭風俗通曰苑蘊也言新蒸所蘊積也 說文曰

苑有垣曰園 增又曰養禽獸曰園 原毛詩曰王在

靈囿麋鹿攸伏

注曰園所以養禽獸也
天子百里諸侯四十里

周禮曰囿人

掌園游之獸禁

鄭康成注云國之
離宮小苑游觀處

漢書曰漢有上林

樂游博望黃山諸苑 東方朔曰務苑囿之大不恤農

時非所以強國富人者 後漢書曰後漢有鴻德畢圭

靈昆廣成諸苑 增漢宮典職曰宮內苑聚土為山十

里九坂種奇樹育麋鹿麋鹿鳥獸百種激上河水銅龍

吐水銅仙人銜杯受水下注天子乘輦游獵園中 隋

天文志曰天苑十六星在昴畢南天子之苑囿 唐六

典曰禁苑翠微宮籠山也在大內宮城之北北臨渭水

東距漉川西盡故都城禽獸蔬果莫不毓焉 百官表

曰水衡都尉屬官有上林御羞九官令丞

如淳曰御羞宜春皆苑名

也師古曰御宿今長安城南御宿川也羞宿聲相近

宋史曰瓊林苑在順城門

外道南乾德三年置以三班及內侍監飲池苑兵校軍

隸及主典三百三十三人歲時節物進入每歲駕幸金

明池則并至苑中上巳重陽唯中書密院或宗室及殿

前諸司選勝賜宴遇放榜進士聞喜於此 金史曰瓊

林苑有橫翠殿寧德宮西園有瑤光臺又有瓊華島又

有瑤光樓 原國語曰園有林池所以禦災也其餘莫

非穀土 呂氏春秋曰昔先王之為苑囿園池也足以

觀望勞形而已非好儉節乎性也 增淮南子曰湯初

作囿以奉宗廟簡士卒習射御戒不虞 又曰及其衰

也馳騁游獵以奪人之時勞人之力也 原晉宮闕名曰

晉有平樂鹿子桑梓諸苑 增南朝宮苑記曰桂林苑

在落星山之陽南苑在臺城南鳳臺山 兩京記曰東

都苑隋曰會通苑又改為芳華神都苑周迴一百二十

八里 長安志曰唐禁苑在宮城之北東西二十七里

南北二十里東接西湖水西接長安故城南連京城北
枕渭水西接太倉倉北距中渭橋於長安故城接故城
東西十三里南北十三里亦隸苑中有四面監 五雜
組曰禁苑中四方鳥獸畢備其不可馴者盛以樊籠有
鷺鳥高六七尺諸禽獸皆畏之不知其何名也 大都
宮殿考曰御苑西有翠殿又有花亭毬閣金殿前有野
果名紅姑娘外垂絳囊中空如桃子大丹朱苑外重繞
長廡廡後出內牆東連海以接厚載門門上建高閣東

百步有觀臺臺傍有雪柳萬株 大政記曰南苑方一百六十里苑中有按鷹臺臺傍有三海子皆元之舊也國朝闢四名繚以周垣設海戶千人守視自永樂定都以來歲時蒐獵於此

苑園二

增左傳曰昭公九年冬築郎囿書時也季平子欲速成叔孫昭子曰焉用速成其以勸民也無囿猶可無民其可乎 韓非子曰秦大饑應侯請曰五苑之草著蔬菜

橡果棗栗足以活民請發之昭襄王曰吾秦法使民有功而受賞有罪而受誅今發五苑之蔬草者使民有功與無功俱賞也 史記曰漢二年東略地諸故秦苑囿

園池皆令民田 漢書曰武帝廣開上林周袤數百里東方朔曰鄠鎬之間號為土膏其賈畝一金今規以為苑絕陂池水澤之利而取民膏腴之地因奏泰階六符之事上拜朔為大中大夫然遂起上林苑 又曰昭帝元鳳三年春正月罷中牟苑賦貧民 西京雜記曰宣帝

樂遊廟亦曰樂遊苑亦名樂遊原基地最高四望寬敞

又曰初元二年詔罷水衡禁苑宜春下苑少府欣飛

外池嚴籞池田假與貧民

師古曰宜春下苑即今京城東南隅曲江池是晉灼曰嚴

籞射苑也

又曰順帝陽嘉元年起西苑修飾宮殿 又曰

桓帝延熹二年七月初造顯陽苑置丞 又曰鍾離意

顯宗時為尚書僕射車駕數幸廣成苑意當車諫以為

從禽廢政天子即時還宮 又曰梁冀多拓林苑禁同

王家西至弘農東界滎陽南極魯陽北達河淇包含山

藪遠帶丘荒周旋封域殆將千里又起兔苑於河南城西徑亘數十里又曰楊賜為司徒帝欲造畢圭靈昆苑上疏諫曰今城外之苑已有五六宜推夏禹卑宮太宗露臺之意渚宮故事曰湘東王於子城中造湘東苑穿池構山長數百丈植蓮蒲岸綠雜以奇木其上有通陂閣跨水為之晉載紀曰慕容熙大築龍騰苑廣袤十餘里役徒二萬人起景雲山於苑內基廣五十步峯七十丈又起逍遙宮甘露殿連房數百觀閣相交鑿

天河渠引水入宮又為其昭儀苻氏鑿曲光海清涼池
石虎鄴中記曰鄴城西三里桑梓苑有宮臨漳水凡
此諸宮皆夫人侍婢又竝有苑囿獐鹿雉兔虎數游宴
其中 南史紀曰齊東昏以閱武堂為芳樂苑窮竒極
麗當暑種樹朝種夕死死而復種卒無一生於是徵求
人家望樹便取毀撤牆屋以移置大樹合抱亦皆移掘
插葉繫花取玩俄傾剗取細草來植階庭烈日之中至
便焦燥紛紜往還無復已極山石皆塗以采色跨池水

立紫閣諸樓 梁傳曰齊世青溪宮改為芳林苑天監
初賜南平王偉為第偉又加穿築植嘉樹珍果窮極雕
麗每與賓客遊其中命從事中郎蕭子範為之記梁世
藩邸之盛無以過焉 隋五行志曰齊後主武平四年

大興土木之工於仙都苑穿池築山樓殿間起窮華極
麗功始就而亡 續世說曰隋煬帝大業元年築西苑
周三百里其內為海周十餘里為方丈蓬萊瀛洲諸山
高出水百餘丈臺觀宮殿羅絡上下向背如神海北有

龍鱗渠紫紆注海棠殿樓觀窮極華麗宮樹秋冬彫落
則剪綵為花葉綴於枝條色渝則易以新者沼內亦剪
綵為藻芰菱芡乘輿遊幸則去冰而布之好以月夜從
宮女數千遊西苑作清夜遊曲於馬上奏之 唐書曰

太宗與侍臣間立本泛舟苑池見異鳥容與隨波上下
實錄曰貞觀四年帝狩於鹿苑遣侍中王珪賜貧人
唐書曰武三思時起毬塲於苑中詔文武三品分朋
為賭帝與皇后臨觀武崇訓與駙馬都尉楊慎交注膏

築場以利其澤用功不訾人皆苦之 又曰張說上疏

曰御苑東西二十里外無垣牆局禁內有榛叢谿谷猛獸所居暴慝所憑陛下往往輕行警蹕不肅歷蒙密乘險巖卒有逸獸狂夫驚犯左右豈不殆哉易曰思患預防願為萬姓持重 又曰武后作興泰宮於萬安山廬藏用上疏曰陛下離宮別館多矣又窮人力以事土木臣恐議者以陛下為不愛人而奉已也且頃歲穀雖頻登而百姓未有儲陛下巡幸訖靡休息斤斧之役歲月

不空而又廣宮苑臣恐下未易堪 續資治通鑑曰順

帝制龍舟於內苑其船式長一百二十尺廣二十尺用水手二十四人皆衣金紫自後宮至前宮山下海子內往來遊戲行時龍首眼口爪尾皆動 大政記曰宣德八年少保黃淮辭歸上宴餞之於西苑太液池親灑宸翰製詩送之賜金織衣一襲 翰林記曰嘉靖十五年召輔臣李時禮官夏言武定侯郭勛汎舟西苑帝以五日率先朝故事汎舟西苑特召時言勛侍行先命太監

韋霸賜以艾虎彩索牙扇等物帝至御龍舟命時言一
舟勛一舟自芭蕉園歷金鰲玉螭至澄碧亭頒賜御肴
又命揖人盪漿近龍舟顧問已而賜宴無逸殿乃還

苑囿三

原黃山

白水

漢書曰霍雲當朝請數稱病私出多從賓客張園獵黃山苑陶季直京邦記

曰覆舟山周迴二十里許有林名白水苑

取獸

戲狐

衛宏漢舊儀曰上林苑中廣長三百

里置令丞左右中部尉百五十亭苑苑中養百獸當祠祀供客用鹿麋天子秋冬射獵苑中取獸禽無數張

協七命曰苑戲九尾之狐園栖三足之鳥

因原

跨谷

班固東都賦曰因原野以作苑順流

泉而為沼發蘋藻以潛魚豐圃草以育獸張衡西京賦曰上林禁苑跨谷彌阜東至鼎湖斜界細柳

甘泉

上林

三輔黃圖曰甘泉苑中起仙人觀緣山谷行至雲陽三百八十一里入右扶風凡周

匝五百四十里

衛宏漢舊儀云上

鴻德

廣成

東觀

林苑離宮七十所

皆容千乘萬騎

薛瑩

高望

漢

漢記曰桓帝延熹元年置鴻德苑後漢書曰靈帝光和五年校獵廣成苑

平後漢書曰永初六年詔越雋置長利高望始思賢

博望

西京雜記曰文帝為太子立思賢苑以招賓客漢書曰戾太子既冠就宮為立博望苑使通

思賢

賓客桑梓桂林苑河內十二境簿曰洛陽城西有桑梓苑陶李直京邦記曰建康苑北漢

朝為桂

養獸

射鴻

上詳前一左傳曰

月祭

林苑

射鴻

衛獻公射鴻於圃

月祭

秋築

大戴禮曰正月祭韭園韭園者園之藩者左傳成公十八年秋築鹿園書不時也

禁山

築土

周禮雍氏禁山為苑令鳥獸自得其性也築土為園亦曰養獸為園

植木

收藁

植木為苑亦曰草木為苑為獸食

豫遊

御幸

帝王之盛豫遊其中宣帝詔

池蘄希御幸者假與貧人注斫竹以繩縣連禁御不得往來律名為蘄在水中作室可以捕鳥鳥入則捕之

養馬

縱禽

漢武罷馬苑以賜貧人注養馬苑不禁樵採始皇欲大苑囿優旃諫曰善多

縱禽獸於中寇從東方來令麋鹿觸之始皇乃止

廣開

可墾

西漢武帝廣開上林東南

至宜春鼎湖御宿也

後漢安帝

築

修

公羊傳云築鹿園有

詔上林廣成苑可墾闢者賜貧人

園矣又為地天子園方百里公侯八十里伯七十里子男五十里山林川澤與民共之虞之非正也漢修靈

園揚雄諫而不聽

長洲

平樂

枚乘諫吳王曰上林不
如長洲之苑 晉苑名

林

藪獸禽

遭藪為園值林為苑 雙貉共舐
之獸五色九苞之禽皆苑有之

假貧人

田棄地

東觀漢記詔有司京師果園悉以假貧人
蕭何謂上林多空棄地願令民得入田毋收

藁為獸食上
怒械繫之

掌鉤盾

為陷穿

鉤盾官也掌上苑之
果木 孟子殺其麋

鹿者如殺人之罪則是
方四十里為阱於國中

採周法

覽漢制

樵蘇無

忌陂池勿禁

文選樵蘇往來無忌
實陂池而勿禁

制同梁鄒

義

合靈園

梁鄒古天子苑
田名 竝文選

增棄田

取圃

孟子曰棄田
以為園圃

惠王即位取為
國之圃以為園

域禽

縱獸

園者築牆為界故曰
域禽 下詳前二

鳳集

麟臻

玉海說苑黃帝即位宇內和平鳳集東園

館揚雄作賦以諷之其序曰二帝三王宮館臺榭沼池

苑園林麓藪澤財足以奉郊廟御賓客克庖厨而已不

奪百姓膏腴穀土桑柘之地國家殷富故甘露零其庭

醴泉流其唐鳳凰巢其樹黃龍游其沼麒麟臻其園神

爵棲養龍格熊拾遺記黃帝為養龍之圃西京

其林養龍格熊雜記曰廬陵王胥有勇力恒於別

園學格熊罷後養鹿牧馬山西遼州和順縣有鹿

遂空手搏之養鹿牧馬苑相傳為趙襄子養鹿

之所漢舊儀注太監牧師諸苑三十六所分布西

北二道以郎為苑監官奴婢三萬人養馬三十萬匹

蓄魚鱉鬻果菜風俗通園者蓄魚鱉之處也舊唐

書則天時尚方監裴匪躬檢校京苑

將鬻苑中果菜以收其利蘇良嗣駁之曰昔公儀相魯

猶能拔葵去織未聞萬乘之主鬻其果菜以與下人爭

利也 窮要妙 生顏色 淮南子修苑囿之大以窮要妙之望 憶昔霓旌下南苑苑中

萬物生

顏色

營南郊

游上苑

馬融廣成頌大漢之初基也宅茲天邑揆厥靈營於

南郊 明朝游上苑火急報春知花須連夜發莫待曉風吹

鳳凰集

麒麟遊

漢書

郊祀志宣帝神爵四年鳳凰集上林苑乃作鳳凰殿以答嘉瑞 禮稽命微外內之制各得其所四方之士無

有蓄滯則麒麟遊囿六畜繁多天苑有德星應矣

生玫瑰

植牡丹

西京雜記樂遊

苑內生玫瑰木木下多苜蓿名懷光時人或謂之懷風風在其間常肅肅然日照其花有光彩故曰苜蓿為懷風茂陵人謂之連枝草 大都宮殿考後苑中為金殿 四外植牡丹百餘本高可五尺 獻名果

種澤蘭

西京雜記初修上林苑羣臣遠方各獻名果異卉三千餘種植其中亦有製為美名以標

奇異也 詩正澤蘭廣而長節節中赤
高四五尺 漢諸池苑及許宮皆種之

獲兔 斬豕

東魏永興三年於北苑獲白兔剖之腹中有三子盡白

唐儉傳從太宗獵洛陽苑羣豕突出帝射四發輒殪

四豕一豕躍及鎧儉投馬搏之帝拔劍刺豕顧笑曰天

策長史不見上將擊賊耶何懼之甚對曰漢祖乃以馬

上得之不以馬上治之陛下神武

定四方豈快心於一獸帝為罷獵 屠肉酤酒 射柳

擊毬

齊書曰東昏侯於芳樂苑為市吏錄事將闕者就
妃罰之百姓歌曰閭武堂種楊柳至尊屠肉潘妃酤

酒 金史章宗紀明昌元年擊毬

於西苑五月拜天西苑擊毬射柳 宴父老 賜貧人

太宗記貞觀十八年宴雍州父老於上林苑賜粟帛

辛替否疏陛下嘗欲填池塹捐苑囿以賑貧人今天下

寺無數一寺當

陛下一宮也 令丞 總監 上林置令丞掌苑囿園

以供朝會祭祀奉養進御上東京苑總監苑內宮觀園池等事凡植果以豐甘旨樹蔬以修蓄聚雖禽魚卉木莫不總募耕宴士顧少連為都留守表禁苑及而理之汝閒田募耕以便民閱武功

門外宋嘗宴進士於此

賞花釣魚

解帶移鞍

宋太宗雍

熙元年召輔臣三司使翰林樞密直學士尚書省三品兩省五品以上三館學士宴於後苑開封府麗景門

外有宜春苑宋人號東御園王安石詩云宜春舊臺沼日暮一登臨解帶依蒼蘚移鞍坐綠陰

賞花

汎月

宋史太平興國七年以迎春苑自通津門外汴水瀕溢乃遷置改名每歲內苑賞花則諸苑進

牡丹及纏枝雜花七夕中元進奉巧樓花殿雜果寶蓮菊花本及四時進時花入內上巳重陽則宗室駙馬或館閣三司開封府刑部法官及典軍臣僚與王津瑞聖園分互選勝賜宴元掖庭記仲秋之月武宗與諸妃

嬪汎月於禁苑太液池中月色射波池光映天綠荷含
香魚鳥羣集於是畫鷁中流蓮舟夾持往來便捷乃開
宴張樂令宮人披羅曳縠前
為八展舞歌賀新涼一曲

苑園四

原詩梁紀少瑜遊建興苑詩曰丹陵抱天邑紫淵更上
林玉臺極百尺銀樹起千尋水流冠蓋影風揚歌吹音
踟躕憐拾翠顧步惜遺簪日落庭光轉方幃屢移陰願
言樂未極不道愛黃金 增梁庾肩吾九日侍宴樂遊
苑應令詩曰轍跡光周頌巡遊盛夏功鉤陳萬騎轉闔

闔九關通秋暉逐行漏朔氣繞相風獻壽重陽節迴鑾
上苑中疏山開輦道間樹出離宮玉醴承巖菊銀牀落
井桐御梨寒更紫仙桃秋轉紅飲羽山西射浮雲冀北
驄塵飛金埒滿葉破柳條空騰猿疑矯箭驚雁避虛弓
彫材濫杞梓花綬接鸛鴻愧乏天庭藻徒參文雅雄
丘遲侍宴樂遊苑送徐州應詔詩曰詰旦闔闔開馳道
聞鳳吹輕蕙承玉輦細草藉龍騎風遲山尚響雨息雲
猶積巢空初鳥飛行亂新魚戲實惟北門重匪親孰為

寄參差別念舉肅穆恩波被小臣信多幸投生豈酬義

陳江總秋日侍宴婁苑湖應詔詩曰翠渚還鑾輅瑤

池命羽觴千門警雲蹕四澤動榮光玉軸昆池浪金舟

太液張紅旗照島嶼鳳蓋繞林塘野靜重陰闊淮秋水

氣涼霧開樓闕近日迴煙波長洛宴諒斯在鎬飲詎能

方朽劣叨榮遇簪笏奉周行原釋洪偃遊故苑詩曰

龍田留故苑汾水結餘波悵望傷遊目辛酸思緒多寒

煙慘高樹凝露變輕蘿澤葵猶帶荇池竹尚侵荷秋風

徒自急無復白雲歌 唐盧藏用奉和立春遊苑詩曰

天遊御蹕駐城闔上苑池光晚更新瑤臺半入黃山路

玉檻傍臨元灞津梅香欲待歌前落蘭氣先迴酒上春

幸預玉臺稱獻壽願陪千畝及農辰 沈佺期奉和立

春遊苑詩曰東郊暫轉迎春仗上苑初飛行慶杯風射

蛟冰千片斷氣衝魚鑰九關開林中覓草纔生蕙殿裏

爭花并是梅歌吹銜杯歸路晚栖烏半下鳳城來 增

崔日用奉和立春遊苑詩曰乘時迎氣正璿衡灞漭煙

氛向曉清剪綺裁紅妙春色宮梅殿柳訝天情瑤筐綵
燕先呈瑞金縷晨雞未學鳴聖澤陽和宜宴樂年年捧
日向東城 李適奉和立春遊苑詩曰金輿翠輦迎嘉
節御苑仙宮待獻春淑氣初銜梅色淺條風半拂柳條
新天杯慶壽齊南岳聖藻光輝動北辰稍覺披香歌吹
近龍馱薄暮下城闔 韓偓苑中詩曰上苑離宮處處
迷相風高與露盤齊金堦鑄出狻猊立玉柱雕成翡翠
啼外使調鷹初得按中官過馬不教嘶笙歌錦繡雲霄

裏獨許詞臣醉似泥 宋王安石宜春苑詩曰宜春舊

臺沼日暮一登臨解帶依蒼蘚移鞍坐綠陰 明林鴻

春日遊東苑應制詩曰長樂鐘鳴玉殿開千官步輦出

蓬萊已教旭日催龍馭更借春流泛羽杯堤柳欲眠鶯

喚起宮花乍落鳥銜來宸遊好續簫韶奏京國于今有

鳳臺 楊士奇從遊西苑應制詩曰廣寒宮殿屬天家

曉從宸遊駐翠華瓊液總頒仙掌露金支皆插御銜花

棹穿萍藻波間雪旗颭芙蓉水上霞身世直超人境外

玉盤親捧棗如瓜 文徵明遊西苑詩曰宛轉瀛洲帶

幔坡螭蜷玉螭壓銀河廣寒遙見空中樹太液微生雨

後波雲捲紅妝千步障風吹璫蓋萬年柯太平見說宸

遊簡馳道青青長薜蘿 又秋日再經西苑詩曰內苑

秋清宿露晞盈盈日來動金扉松間翠殿團華蓋天外

銀橋入紫微錦纜稀遊青雀暗璫波無際白鷗飛彤牆

高柳無人折時見中官一騎歸 夏言西苑寓直事詩

曰水風清透芰荷香會景庭中捧御牀朱箔黃簾垂四

面銀燈寶炬列千行 又曰湧玉亭前夜放舟碧荷香
靜雨初收遙看北岸紅煙裏水殿珠簾盡上鉤 又曰
黃金盤子熱龍涎波面風來香滿船銀燭光搖簾影細
水晶宮裏夜朝天

增賦漢班固西都賦曰西郊則有上林禁苑林麓藪澤
陂池連乎蜀漢繚以周牆四百餘里 張衡東京賦曰

濯龍芳林九谷八溪

芳林苑名

晉左思吳都賦曰數軍實

於桂林之苑

唐徐元弼靈囿賦曰代間秦餘地仍周

舊俯皇都之近域有文王之古囿

關一

原易曰先王以至日閉關 又曰重門擊柝以待暴客

蓋取諸豫 周禮曰遺人掌門關之委積以養孤老

疏曰

門謂十二國門關謂十二關出入皆有稅

又曰司關掌國貨之節以聯門

市凡貨不出於關者舉其貨罰其人國凶札則無關門

之征 增又曰凡四方之賓客門關用符節貨賄用璽

節

注門關謂司關也貨賄主通貨賄之官謂司市也

原禮記仲夏之月關市

無索順陽數不難物也 又鄭注曰關境上門也 漢

書曰漢興都關中置關都尉以察偽遊用傳出入 增

唐書百官志曰天下關二十六所有上中下之差度者

本司給過引出塞踰月者給行牒獵手所過給長籍三

月一易蕃客往來閱其裝重入一關者餘關不議 又

曰六典曰司門郎中凡關二十有六為上中下之差上

關六中關一十三下關七以限中外隔華夷設險作固

閉邪止暴 原蔡邕月令章句曰關在境所以察出禦

入也 增賈誼新書曰所為建武關函谷臨晉者大抵

為備山東諸侯也今大諸侯多其力因建關而備之豈
若定地勢使無可備之患 潘岳關中記曰秦西以隴

關為限東以函谷為界二關之間是為關中此說未盡

顏師古曰自函谷關以西總名關中徐廣注項羽關
塞語曰東函谷南武關北蕭關西散關其說是也他如
大震在隴州瓦亭在原州駱谷在盤屋子午在長安同
之蒲津洋之華陽雖建置在後其設險守國一也 原

洛陽記曰漢洛陽四關東成臯關南伊闕關西函谷關

北孟津關

秦有榆中關在邊郡漢有玉門關陽關五原關蕭關在邊郡天井關在太行山居庸關在

上谷江關在吳壺關在上黨橫浦關湟溪關在越後漢有散關斜谷關在秦西南藍田關在秦南廣城關轅轅關旋門關鄂坂關在洛陽白水關在南鄭爵離關在河西魏有潼關在函谷西金門關在函谷東蜀有陽安關晉有馬溺關在望都縣井陘關高梁關在趙地延壽關在新城清泥關在秦西南太行關在上黨鴻上關在中山白馬關在沙洲銅鐵關在吳薊關在盧氏縣衝關在蒲坂南馬耳關皇蘭關在邊郡

段國沙

州記曰龍涸北四十里有白馬關關甚險峻使十人固

守雖萬人不能前

增方言曰關而東陳楚之間戶簫

水經曰江水自關東逕弱關扞關注扞關廩君浮夷

水所置也弱關在建平秭歸界昔巴楚數相攻伐藉險置
關以相防扞 又曰河在關內南流潼激關山因謂之

潼關或說因潼谷水以名地潼關東北水側有長坂謂
之黃卷坂傍絕澗涉此以升潼關所謂汴黃卷以濟門
關矣 又曰濕餘水出上谷居庸關南則絕谷累石為
關址崇墉峻壁非輕功可舉山岫層深側道褊峽林嶂
邃嶮路才容軌曉禽暮獸寒鳴相和羈官游子聆之莫

不傷思矣 杜氏通典漢中褒城縣有漢陽平關在縣

西北蜀先主破魏軍於此 漢南記曰蜀有陽平關江

關白水關此為三關 方輿紀要曰鐵門關外有大潭

即喜峰水之源也關南十五里為穹窿山山多洞穴高

與鐵門齊 寰宇記曰鬼門關在北流縣南三十里有

兩石相對漢馬援討林邑蠻於此立碑 又曰昔時趨

交趾皆由鬼門關其南尤多瘴癘罕得生還諺曰鬼門

關十人去九不還 會要曰京西有關二房州平安關

行慶關河北有關一瀛州高陽關陝西有關十環慶龍

平關涇原渭州制勝關熙州南北關河州通會關蘭州

鞏哥關金城關會州會寧關京玉關安鄉關綏遠關成

都路有關一茂州雞宗關 地里志曰凡十道有關一

百四十三關內三十一京兆之藍田庫谷大橫華之潼

渭津同之龍門商之武關鳳翔之大散駱谷隴之安戎

安夷原之木峽石門驛藏制勝石峽木嶺并渭州六盤

為七關又有瓦亭蕭關寧之定安丹之烏仁延之合嶺

蘆子會之會寧烏蘭綏之魏平勝之榆林河濱豐之中
受降城單于府之雲伽河南十五河南之河陽轅轅陸渾
伊闕高門松陽鵜鵠大谷汝之魯山陝之大陽古函谷
涇津號之潼大谷鳳陵朱陽鄆之碣磔津齊之鹿角濮
之靈津沂之穆陵河東三十三河中之風陵蒲津龍門
晉之府城絳之武平太平隰之馬關永和太原之白馬井
陘盤石葦澤赤塘天門汾之陰地長寧沁之柴店嵐之
樓煩合河蔚汾憲之雁門石之孟門忻之石嶺代之東

陘西陘石門雲之牛皮蔚之孔嶺潞之井谷壺口昂車
澤之天井長平河北二十四孟之河陽虎牢成臯旋門
故軹懷之大斛博之四口衛之故延津故臨清黎陽澶
之盧津鎮之白馬故井陘德之張谷定之安陽八度倒
馬委粟幽之納款平之明埵臨渝大海媯之居庸塞鐵
門山南五鄧之魯陽興元之甘寧百牢利之石門興之
興城隴右六秦之大震河之河藍鳳林蘭之金城沙之
陽關玉關淮南十二廬之故東光之木陵定城安之故

黃峴武陽百雁平靖黃之大活白沙木陵陰山申之故
平靖江南一虔之橫浦劔南十二彭之靜塞蠶崖漢之
鹿頭嘉之平羌雋之青溪瀘津雅之靈關雞棟邛崃茂
之古桃綿之松嶺龍之涪水嶺南四廣之康浦賀之荔
平連之故秦湟溪容之鬼門羈縻莊州之桂嶺 國朝
名臣奏議曰富弼上仁宗封事言松亭關古北口居庸
關為中原險要又河朔士卒精悍與他道不類得其心
可以為用失其心大可以為患安得不留意於此而輕

視哉 實錄曰關隘之要有四曰古北口曰居庸曰喜

峯口曰松亭關烽相望者一百九十六處 金國行程

曰渝關居庸可通餉饋松亭金陂古北口止可通人馬

不可行車山之南五穀百果良材美木無所不有出關

未數里則地皆瘠鹵矣 陷蕃記曰幽州西北石門關

關路崖狹一夫可以當百此中國控扼契丹之險也

金節要曰燕山之地易州西北乃金陂關昌平之西乃

居庸關順州之北乃古北景州東北乃松亭平州之東

乃渝關凡此數關一夫禦之可當百朝之割地若得諸
關則燕山之境可知矣 長安客話曰漢唐都關中去
邊幾千餘里今京師北抵居庸東北抵古北西南抵紫
荊關近者百里遠不過三百里耳 職方圖考曰京師
宸山帶海有金湯之固真定以北至於永平關口不下
百十而居庸紫荊山海喜峰口古北口黃花鎮險要尤
著

關二

原左傳曰臧文仲不仁者三下展禽廢六關妾織蒲
增又曰季孫攻臧氏紇斬鹿門之關以出奔邾季孫用
孟椒之言盟臧氏曰無或如臧紇干國之紀犯門斬關
臧孫聞之曰國有人焉誰居其孟椒乎 水經注曰左
傳魯襄二年七月晉成與諸侯會於戚遂城虎牢以逼
鄭穆天子傳曰天子射鳥獸於鄭圃命虞人掠林有虎
在於葭中天子將至七萃之士高奔戎生擒虎而獻之
天子命之為柙畜東虞是曰虎牢矣然則虎牢之名自

此始也秦以為關漢乃縣之城西北隅有小城周三里
北面列觀臨河迢迢孤上路直茲邑昇眺清遠勢盡川
陸羈途游至有傷深情 原吳越春秋曰伍子胥與太
子建子勝俱奔吳夜行晝伏出到昭關關吏欲執之胥
因詐曰上之所以索我者以我有美珠也今我已亡之
矣我將告子取吞之關吏因舍焉 列仙傳曰關令尹
喜周大夫善內養老子西遊先見其氣知真人當過物
色而遮之果得老子與俱之流沙 燕丹子曰燕丹去

秦夜到關關門未開丹為雞鳴衆雞皆鳴遂得逃歸

增韓子曰衛嗣公使人為客過關市關市苛難之因爭
關市以金與關吏乃舍之嗣公謂關吏曰某時有客過
而所與汝金汝因遣之關市乃大恐而以嗣公為明察
原史記曰秦昭王囚孟嘗君孟嘗君變姓名夜半至
函谷關關法雞鳴出客孟嘗君恐追至客居下坐者能
為雞鳴於是羣雞皆鳴遂出關 楚漢春秋曰沛公西
入武關居於灞上遣將軍閉函谷關無內項王項王大

將亞夫至關不得入怒曰沛公欲反耶即令家發薪一束欲燒關門關門乃開 漢書曰秦王子嬰誅滅趙高

遣將將兵拒峽關沛公欲擊之張良曰秦尚強未可輕願先遣人益張旗幟于山上為疑兵使酈食其陸賈往說秦將啗以利秦將果欲連和因而攻之 增史記曰

周亞夫為太尉東擊吳楚至霸上趙涉說亞夫曰將軍何不從右去走藍田出武關抵雒陽 漢書曰元封四

年冬行幸雍祠五時通回中道遂北出蕭關歷獨鹿鳴

澤原又曰武帝時楊僕征南越有功恥為關外人元

鼎三年冬徙函谷關於新縣以故關為弘農縣 增又

曰西域以孝武時始通東接漢扼以玉門陽關西則限以葱嶺 又曰司馬相如略定西南夷邛笮冉駹斯榆

之君皆請為臣妾除邊關邊關益斥西至沫若水南至牂牁為徼通靈山道橋孫水以通邛笮還報天子天子大說 原又曰終軍初從濟南當詣博士入關關吏與軍繻問以此何為吏曰為復傳還當以合符曰大丈夫

西遊終不復傳還棄繻而去後軍為謁者使行郡國建節東出關吏識之曰此使者乃前棄繻生也 東觀漢

記曰隗囂將王元謂囂曰請以一丸泥為大王東封函谷關此萬世一時也 又曰郭丹初之長安從宛人陳

兆買入關符以入函谷關既入封符語人曰不乘使者車不出關丹自從入關後不歸家十二年後奉使乃出關竟如本心 後漢書曰建武元年正月鄧禹自箕關將入河東 又曰元和二年幸河東至天井關 又曰

元和五年冬鮮卑入上谷攻居庸關 又曰延光二年

北匈奴與車師入寇議者因欲閉玉門關陽關張璠上

書陳三策 增水經曰散關鄣自南山橫洛水北屬於

河皆關塞也即楊僕家童所築矣其城西阻塞垣北抗

惠水靈帝中平元年以河南尹何進為大將軍五營士

屯都亭置函谷廣成伊闕大谷轅轅旋門小平津孟津

八關都尉治此函谷為之首在八關之限故世人總其

統目有八關之名矣 典略曰昭烈起館築亭障從成

都至白水關四百餘區 蜀志曰魏延欲請精兵萬人
與諸葛亮異道會於潼關亮制而不許 通典曰魏正

始元年弘農太守孟康上言移函谷關更號大嶠關又
為金關 原何楨集曰以正始六年為弘農太守表省

嶠關曰易稱王公設險以守其國孟軻云古者關譏而
不征關險之設所由尚矣 吳書曰陸凱奏曰臣愚以
西陵國之關首宜重其備備重則敵不敢輕備輕則為
敵所侮 增北史曰元魏郢州司馬彭珍等叛魏潛引

梁兵趨義陽三關魏中山王英出汝南救之英至義陽
將取三關先策之曰三關相須如左右手若克一關兩
關不待而破且先攻東關又向西關以分其勢 嵩山
集曰周以數千之師伐契丹不血刃而取益津關繼取
瓦橋又繼取高陽關是三關者晉人棄之以為契丹之
元首非特其為右臂也 地里志曰榆林郡開皇二十
年置勝州仁壽二年置金河縣帶關 雜記曰唐馬周
入秦關西舍新豐逆旅主人不之顧周命取酒一斗八

升悠然獨酌衆皆異之

唐書曰時有司議關市盡征

之崔融謂周官九賦其七曰關市雖斂士商不及往來
天下之關必險道或致騷動 又曰至德二載攻崔乾
祐于潼關乾祐敗退保蒲津約趙復等為內應進收永
豐倉關陝始通 又曰賊分兵略太和關去鳳翔五十
里命郭子儀以朔方兵擊之 又曰開成五年詔振武
節度劉沔屯雲伽關備回鶻 又曰會昌五年作昭武
廟于虎牢關 會要曰大中六年詔隴州薛逵移築故

關三月奏移要會之中臨水挾山當川限谷危牆深塹
克揚營壘之勢乞改為定戎關正月廿七起三月十七
日畢畫工圖進上勅云新置關成得其要害 五代史

補曰周世宗末年大舉以取幽州契丹聞其新征君臣
恐懼沿邊城壘皆望風而下凡蕃郡之在幽州亦連宵
遁去車駕至瓦橋關探還得實甚喜以為大勲必集登
高阜以觀六師 河陽汜水縣舊關東題曰虎牢西題曰
玉關祥符四年三月戊戌真宗西巡至虎牢關改行慶

關慶歷四年五月己丑省汜水縣為行慶關隸河南府
宋史曰康定元年詔潼關設備慶歷元年毀潼關新
置樓櫓王堯臣陳不可乃詔撤之又曰慶歷二年秦
州築東西關成初守臣韓琦以州之東西民居軍營皆
附城因請築外城凡一十里自元年起至是成計工三
百萬又曰崑崙關廣源州蠻儂智高叛連破七州仁
宗遣狄青為宣撫使率衆擊之至賓州時儂寇還守邕
州青懼崑崙關為所據乃下令具五日糧休士卒賊謀

知不為備是夜青率衆半夜度崑崙關近邕州賊方覺
逆戰於歸仁鋪遂大敗 九域志曰利州路劔門關景
德三年以劔州劔門縣隸關以兵馬監押主之熙寧五
年縣復隸劔州 奉使行程錄曰幽州之地沃野千里
北限大山重巒複障有渝關居庸松亭金坡古北口前
此經營邊事與金人歲幣加契丹之倍以買幽薊五州
之地而平漢營三州不與焉是五關我得其三而金人
得其二也以天下視燕為北門失幽薊則天下常不安

幽燕視五關為襟喉無五關則幽燕不可守五關止得其三縱藥師不叛邊患終無寧歲也北征記實曰劉

延慶既潰阿古達以全節自居庸關入四軍大王奉蕭后由松亭關遁金史曰溫德亨阿魯岱以兵四千屯

古北口薊州石門關等處各以五百人守之沃幹收哈克繖卒萬餘人時時出兵寇實魯古淀古北口興化之間

關三

原北守

東封

東觀漢記曰王梁為中郎將與景丹蔡遵合擊蠻中破之詔梁別北守天中關

下詳

前二

賓斂

旅悅

上詳周禮

孟子曰關市譏而

於其

廢六

據兩

上詳前二

漢書曰孝武時霍去

路矣

秦詐

漢徙

譙周古史曰秦君遺楚子書曰

秦君詐令一將軍伏兵武關

下詳前二

飛牡

亡珠

漢書

秦王楚子至則閉關
谷關成帝元延元年函谷關決門牡自亡谷永對曰函

二

楚塞

蜀門

戰國策曰楚有汾陘之塞桓寬鹽鐵

蜀都賦曰廓

察禦

何留

上詳前二漢書曰厨傳

靈關以為門

石臺

銅嶺

鄭道元注水經曰居庸關

何人而停留

之云何呵也

三五

之候臺也

董覽吳地記穹窿山東兩嶺相趨名曰銅嶺

白馬

青牛

劉向七畧曰公孫龍

持白馬之論以度關又桓譚新論曰公孫龍常爭論曰

白馬非馬人不能屈後乘白馬無符傳欲出關關吏不

聽此虛言難以奪實也

關令尹內傳曰周元極元年

歲在癸丑冬十有二月二十五日老子度函谷關關令

尹喜先敕門吏曰若有老翁從東來乘青牛薄板車勿

聽過關其日果見老翁乘青牛車求度關授喜道德經

五千

棄繻

解印

上詳前二

范曄後漢書曰李固

中裏傳封符張瑩漢南記曰郭丹絕迹棄軍纏節

裏傳從武關出謁更始

下詳前二

白水

青泥

劉澄之梁州記曰關地西南百八十里

書曰高祖北伐沈田子入武關屯青

春斗

冬奎

泥姚泓反率大衆數萬奄至青泥關

公

金匱曰春三月斗星為天關戰背天關向天梁雞鳴敵不可當又曰冬十一月奎星為天關云云

馬入

一上詳前二

郭子橫洞冥記曰東方朔得神馬

靈光之輦以適東王公之舍稅此馬於芝田臣之王公之壇因騎此馬繞日三匝入漢關門猶未掩金

城玉門

漢書曰上黨有井關燉煌龍勒有玉門關陽

關

識異言

禁遊宦

禮記曰關執禁以譏禁異服識異言鄭玄注譏呵察之也賈

子曰關所以禁遊宦諸侯乃無得出焉

養孤

待暴

門關以養孤下詳前二

苛

留

善閉

成帝曰勿苛留無關鍵

籍內

詐亡

漢詔流人欲入關者籍內之注

為籍內之也

甯成為中尉抵罪

負阻

食征

秦負阻於

髡鉗乃解脫詐

刻傳出關逃歸

二關卒開項而受沛

宋

不租

無傳

禮年不順成關梁不租

宣帝詔人以車載粟入關得無用傳

暴征

輕稅

偁介之關暴征其私月令易關市輕稅

商旅

仰攻

斬出

仰關而攻傳曰臧紇犯關斬門而出

延敵

備

盜

開關延敵閉關備他盜

復關

謁關

君子所近周禮以從者數對

至日

閉

孟冬謹

上詳前一孟冬謹關梁

用符節

罷馬弩

門關用符節

漢詔罷馬弩關舊征馬高五尺六寸齒未平弩十石以上皆不得出關今不禁故曰罷

班超生

入商君自敝

漢書班超在絕域年老思歸乃上書曰不敢望到酒泉郡但願生入玉門關

商君亡至關不得舍曰商君有令舍人無驗者生之曰為法自敝

增穆陵

嘉峪

穆陵

關在青州府臨朐縣南左傳齊桓公曰賜我先君
履南至於穆陵嘉峪關在陝西行都司肅州

虎

牢馬陵

古峭關在開封府汜水漢置成臯縣隋為虎
牢關馬陵關在遼州榆社縣即龐涓自刎

處

平靖

大慶

平靖關在汝寧府信陽縣一名冥阮
塞淮南子曰天下九塞冥阮其一

大慶關在平陽府蒲州舊名

長平

大散

長平關在
山西潞安

蒲津關即秦孟明焚舟處

府長子縣即秦將白起阮趙卒四十萬於長平即此
大散關仙人關箭筈關此敵人入寇之路也自失此三

關而蜀之
門戶撤矣

蒲坂

瓦亭

竹書紀年魏襄王七年秦王
來見於蒲坂關瓦亭關在

華亭唐肅宗幸靈武

井陘

壺口

井陘關在平定州
東漢韓信擊趙東

牧馬於瓦亭即此

下井陘關即此

列傳袁尚

鴻山

鳳林

鴻山關在
保定府唐

敗高幹復舉兵守壺口關

縣一名鴻城昔項羽於此見羣雁曰我當南面射中其一及不中人已知其不終云吐蕃傳尚延心獻款高

駢牧鳳

常山

幽谷

列傳張禹祖父況光武以為常山關長開天傳信記曰幽谷

林關

關得白石篆文桑字解者曰

橫浦

清流

橫浦關在

四十八也正符帝在位之數

西南漢時楊僕討呂嘉出豫章下橫浦即此

清流關

在滁州城西南舊傳南唐建地極險要其將皇甫暉與

周師戰敗欲退保滁

八度

六盤

八度關在唐縣漢時築其下有水屈

州尋被擒即此也

曲八度六盤關在平涼府

雞頭

魚腹

雞頭關在

城西唐宣宗破吐蕃於此

城關口有大石狀如雞頭故名

蜀志先主次於平陽

關與淵邵等相拒法正曰魚腹與關頭實為益州禍福

之門

雪山

雁門

雪山關在麗江軍民府巨津當吐蕃界地極險峻雁門關在山西馬邑

縣東南山巖峭拔中有路盤旋崎嶇於絕頂置關

山海

石湖

山海關在撫寧縣其北為

山其南為海實險要之地境烏珠再犯境張俊以兵五千守此賊遁去

石湖關在撫州

天門

龍井

一統志桂門關誤稱鬼門關元廉訪使月魯改名魁星關洪武初改名桂門關宣德中改為天門關

方輿紀要龍井兒關乃

弛征

謝質

管子齊桓公踐位弛關市

要衝也其內為三屯營

之征五十而取其一漢書

侯羸抱

王霸屯

史記侯

光武閉玉關以謝西域之質

羸謂魏公子曰羸乃夷門抱關者

本傳王霸為討

虜將軍建武八年屯函谷關擊滎陽中牟賊平之

叩關

識關

過秦論九國嘗以十倍之地百萬之衆叩關而攻秦秦人開關延敵九國之師遂巡

遁逃而不敢進

文選識函

先入

急守

史記懷王與諸將約

谷之可關不知王者之無外

曰先入關者王之乃遣沛公本紀高祖元年
冬沛公至霸上或說沛公急守函谷關從之

灌嬰

西入

馮異北攻

列傳灌嬰定南陽郡西入武關從東
出臨晉關擊降殷王又馮異北攻

天井關拔上黨兩城異遣鄧騭于
康擊延岑令自武關峽關走南陽

曹參西攻

王梁

北守

曹參從西攻武關峽關取之以中尉從出臨晉關
至河內列傳王梁為野王令北守天井關為中

郎將北
守箕關

單于入

太子迎

漢書孝文十四年匈奴單
于十四萬騎入朝那蕭關

太宗記貞觀十九年班師十
月丙辰皇太子迎謁於臨關

市鐵器

觀馬牧

本傳

南粵趙佗移檄告橫浦陽山湟谿關高后時有司請禁
粵關市鐵器武帝時上書請比內諸侯三歲一朝除邊

關天子許之

太宗紀貞觀二十年

漢使遮

曹公

八月丙戌踰隴山關次瓦亭觀馬牧

屯李廣利傳天子使使遮玉門關曰軍有敢入斬之貳
師恐吳志朱然傳曹公出濡須然備大塢及三關

屯

都尉

總管

地里志酒泉太初元年開有玉門縣
武威故休屠地太初四年開張掖昆

邪地太初六年開敦煌後元年分酒泉置正西關外有
白龍堆沙蒲昌海龍勒縣縣有陽關玉門關皆都尉治

文帝紀開皇三年三月城榆關
四年以賀婁子幹為榆關總管

據三

取六

賀吳志邵

曰劉氏據三關之險守重山之固吐蕃傳康季榮復
原州取石門等六關張欽緒復蕭關詔三州七關地腴

衍者聽民

北備

西出

本傳枚乘說吳王曰秦北備
榆中之關南距葷菹之塞

得壑菹

陽關在沙州王維詩
西出陽關無故人

建武徙置

伏波掩擊

漢書建武十五

年徙雁門代郡上谷民置常山關居庸關以東烏桓
為寇建武二十一年遣伏波將軍馬援將三千騎出五

阮關

梁懂轉戰

岑彭長驅

梁懂傳永初二年春羌冠三輔擊之轉戰武功

美陽關

岑彭傳彭自率

姚泓奄至

劉沔進屯

宋書

臧宮劉歆長驅入江關

高祖北伐沈田子入武關屯青泥姚泓反率大衆數萬

奄至武關劉沔傳會昌二年拜東河節度兼招撫回

鵲使屯

越繩橋

立鐵柱

舊唐書曰唐玄宗朝西蕃君長越繩橋而競款玉門

雁門關

關海門第一關在安慶府宿松縣

漢置周更

子

小孤山元立鐵柱於此長三丈有零

關在西安府城南子午谷漢置潼關在

連山插漢

華陰古桃林寨東漢築後周更名潼谷關

疊嶂重巒

水經注魯陽縣有魯陽關左右連山插漢秀木干雲居庸關在順天府北兩山夾

立一水傍流關跨南北四十里懸崖峭壁最為險要關之南重巒疊嶂吞奇吐秀蒼翠可愛為京師八景之一

名曰居庸疊翠

楊葉

榆林

唐信枯樹賦北陸以楊葉為關唐志勝州榆林縣東有榆林

關貞觀十三年置

升高臨

長歌入

鮑昭樂府升高臨四關薛仁貴傳壯士長歌

入漢

電埽

鐵裹

干令升晉紀論三關電埽金史五行志貞祐二年六月潮河白河

溫漂古北口鐵裹

雪擁馬

鬼作關

韓文公詩雪擁藍關馬不前

張均詩瘴江西去火為

朝登

晨滯

張景陽詩云朝登魯陽關峽路

山炎傲南窮鬼作關

峭且深

劉季叔守關詩晨難

三叫未開關留滯行人更解鞍

關四

原詩陳周弘正入武關詩曰武關設地險遊客好遭迴

將軍天上落童子棄繻來揮汗成雲雨車馬颺塵埃難

鳴不可信天曉莫先開 隋虞茂入關絕句曰隴雲低

不散黃河咽不流關山幾道里相接幾重愁 唐太宗

入潼關詩曰崤函稱地險襟帶壯兩京霜峰直臨道冰

河曲繞城古木參差影寒猿斷續聲冠蓋往來合風塵

朝夕驚高談先馬度偽曉預雞鳴棄繻懷遠志封泥負

壯情向有真人氣安知名不名 徐賢妃秋風函谷關

詩曰秋風起函谷朔氣動河山偃松千嶺上雜雨二陵

間泣雲愁廣隰落日慘重關此時飄紫氣應詔真人還

來濟出玉關絕句曰斂轡遵龍漢銜樓度玉關今日

流沙外垂涕念生還李行言秋晚度廢關詩曰秦郊

平舊險周德眷遺黎始聞清夜柝俄見落封泥物色來

無限津途去不迷空亭誰問馬關戍但鳴雞山月寒彌

淨河風晚更淒贈言楊伯起非復是關西宋之問過

函谷關詩曰二百四十載海內何紛紛六國兵同合七

雄勢未分從成拒秦帝策決問蘇君雞鳴將狗盜論德

不論勲 楊齊哲過函谷關詩曰地險崤陵北途經分

陝東逶迤泉石盡荒涼古塞空川光流曉日樹影散朝

風聖德今無外何處是關中 增唐玄宗早渡蒲關詩

曰鐘鼓嚴更曙山河野望通鳴鑾下蒲坂飛旆入秦中

地險關逾壯天平鎮尚雄春來津樹合月落成樓空馬

色分朝景雞聲逐曉風所希常道泰非復棄繻同 張

說奉和聖製早渡蒲關應制詩曰蒲坂橫秦晉華芝曉

望秦關城雄地險橋路扼天津樓映行宮日隄含顰樹

春黃雲隨寶鼎紫氣逐真人東詠唐虞跡西觀周漢塵

山河非國寶明主愛忠臣 又奉和聖製潼關口號應

制詩曰天德平無外關門東復西不將千里隔何用一

丸泥 張九齡奉和聖製早渡蒲關應制詩曰魏武中

流處軒皇問道迴長堤春樹發高掌曙雲開龍負王舟

渡人占仙氣來汀津會日月天象設風雷東顧重關盡

西馳萬國陪還聞股股郡元首詠康哉 又奉和聖製

經函谷關詩曰函谷雖云險黃河復已清聖心無所隔

空此置關城

又奉和聖製潼關口號應制詩曰隱嶙

故城壘荒涼空戍樓在德不在險方知王道休 元元

遺山高關詩曰高門關頭霜樹老細路千山萬山繞亂

餘村落不見人雪霰霏霏暗清曉莘川百里如掌平閑

田滿眼人得耕山中樹藝亦不惡誰遣多田知姓名許

李申楊竟何得只今惟有石灘聲 又南關詩曰風裏

秋蓬不自由一生幾度過隆州無情團柏關前水流盡

朱顏到白頭 又曰路轉川迴失繫舟更教兩驛過徐

溝多情團柏關前水却共清汾一處流 劉秉忠過居

庸關詩曰車箱來往若流泉絕壁巉嵒倚翠煙限破中
州四十里鑿開大路幾千年函關不謂平如地蜀道無
知險似天萬里揮鞭猶咫尺誰能掌上保幽燕 又過

天井關詩曰雲冷風高天井關太行嶺上看河灣九州
占絕中原地一塹攔迴左界山王霸分爭圖未捲英雄
鏖戰血猶殷華陽春草年年綠汗馬南來不放閑 薩
都拉度閩關詩曰曉度分水嶺身在雲霧中手扣天上

關聲落山下風雷霆走澗壑神人過虛空既訝奔豐隆
亦可招祝融頃刻開萬象赤鳥飛嶺東又曰白雲下
千峯盡入懷袖裏振衣度閩關灑作山水仰登天無
梯俯視井無底古來守關人豪傑存有幾寒食百草青
春風吹不起揭傒斯雲關詩曰君子荷初服恩至若
無榮穆穆芳雨散悠悠蒼山行危關擁霧黑飛術綠雲
青苔蘚滑如積杉松窅冥冥時逢負岑翁忽聞流水聲
舉足向益高矯然欲遐征徒隸各忘倦矧彼高人情

柳貫晨度居庸關至南關門詩曰雲梯忽斷山峻平霽
霧初褰林嶺明兩都扼喉南北鎮九州通道東西行矗
崖巨石擎佛屋壁門遺築開軍城當時苦說天下險一
卒前臨強萬兵 明劉基過閩關詩曰建溪激箭向西
流石齒如鋒闔客舟篙子踏歌渾不畏行人遙望替生
愁 謝榛居庸關詩曰控海幽燕地彎弓豪俠兒秋山
牧馬處朔塞用兵時嶺斷雲飛迴關長鳥度遲當朝有
魏尚復此駐旌旗

原賦漢李尤函谷關賦曰惟皇漢之休烈兮包八極以
據中混無外之蕩蕩兮惟唐典之極崇萬國喜而洞洽
兮何天衢以流通襟要約之險固兮制關鍵以擒并其
南則有蒼梧荔浦離水謝沐涯浦零中以窮海陸於北
則有蕭居天井壺口石陁貫越代朔以臨胡庭緣邊邪
指陽會玉門凌測龍堆或置於西則有隨龍武夷白水
江零沔漢阻曲路由山泉奮水遼濫沐落是經爾乃周
覽以汎觀歷衆關以遊目惟夸闊之顯麗羌莫盛乎函

谷施雕礮以作好建峻敞之堅重殊中外以隔別翼巍
巍之高崇命尉臣以執籥統羣類之所從嚴固守之猛
厲操戈鉞之普聰蕃鎮造而惕息侯伯過而震惶惟函
谷之初設險前有姬之苗流睢背魏而西逝托衾衣以
免搜大漢承弊以建德革厥舊而運修准令宜以就制
因茲勢以立基蓋可以詰非司邪括執咽喉季末荒戍
墮闕有年天閔羣黎命我聖君稽符皇乾孔適河文中
興再受二祖同勲永年承緒欽明奉循上羅三關下列

九門 晉江統函谷關賦曰登彼函谷爰覽丘陵地險
逶迤山岡相承深壑累降修嶺重升下杳冥而幽曖上
穹崇而高興帶以河洛重以崤阻經略封疆因固設險
異服則呵奇言必檢消姦宄於未芽殿邪偽於萌漸及
文仲之斯廢乃違仁而受貶聖王制典蓋以防淫萬里
順軌疆場不侵撫四夷而守境豈恃阻於高岑彼桀紂
以顛墜非山河而不深顧晉平之愛險獲汝叔之忠箴
鄙魏武之墜志嘉吳起之弘心末代陵遲惡嬴氏之叛

渙乃因茲而自增下凌上替山冢萃崩覽孟嘗之獲免
賴博愛而多寵惟七國之西征仰斯阻而震恐豈隕險
之難犯將羣帥之無勇咨漢祖之絕關又見敗於勅項
尹喜爰處觀妙研精李老西徂五千遺聲張祿既入穰
侯乃傾營陵之出稟築由生衛鞅及商喪宗摧名終軍
棄繻擁節飛榮覩浮偽於末俗思元真於大庭 增唐
閻伯璵函關賦曰函谷天險弘農邦鎮南據二虢北荒
三晉洞開一軌壁立千仞逕薦雙合梯苔孤峻世濁先

封道康後順遠秦塞近峭陵幽泉脉脉斷峰稜稜增陴
霧杳聚析煙凝高卑異級坻崿相乘靡屈靡究不騫不
崩實隄防之樞轄為造化之緘滕齊之以權衡危不可
得約之以符璽信而有徵觀夫憧憧往來驂駐成霧據
於石東西十里臨其深前後咫尺建瓴百二之國扼喉
三七之路幅輳既長城小而固 張翥潼關賦曰巨防
宵扃倚洪波而作鎮重扉擊析連太華而為城卽中代
之新號變函谷之舊名柱史老聃擁仙雲而西邁終軍

童子建使節而東行文仲不仁廢六關而興誚王元有
說封一丸而永清若用備不虞取諸繫象作邦家之襟
帶杜奸宄之來往長墉矗兮雲屯層樓赫以霞敞登臨
者有知其地雄踰越者無漏於天網 王啟武關賦曰
地勢爭雄山形互對西連蜀漢之險北接崤函之塞鎖
百二都綿幾千載世亂則扼限區宇時清則通流外內
當其六國連謀關防日修則斯地也雲屯貔虎雪耀戈
矛張儀出以行詐懷王入而竟留縱下客之雞鳴將開

莫可任公孫之白馬欲度無由及乎塵起九州波搖四海秦鹿失而襟帶難保漢龍興而山河遽改豈料禦衡之所此日全平未知擊柝之徒當時安在

原箴後漢崔瑗關都尉箴曰茫茫九州據為關津唐堯積德三代修仁越季不軌爰失厥人聖賢不用頑嚚是親漢潰武關項破函谷秦王子嬰縊為禽僕尉臣司關敢告竝轂


原銘漢李尤函谷關銘曰函谷險要襟帶咽喉尹從李

老留作二篇孟嘗離秦奔騫東征夜造稽疑譎以雞鳴
范睢將入自盛以囊元鼎革移錯之新安舍彼西徂東
即高原長壙重關閉固不踰簡易易從與乾合符 增

唐賈至虎牢關銘曰邈矣維嵩峻極于天磅礴崔嵬北
臨洪川嶽瀆會險蹙圻封泉實開虎牢作固伊瀍維茲
虎牢天設巨防攻在坤下拒在離防昏恃以滅聖憑而
王崢嶸豁呀孟門相向伊昔漢祖戡秦統周勅敵相及
此焉淹留終夷海春遂割鴻溝乘興而東遂有九州隨

氏敗績黎人艱阻帝命太宗陳師鞠旅鐵騎傳傳雲旗
容與擒夏剋鄭在此一舉日月永清昆蟲得所歲在戊
子西經登茲祇聖肅然憫亡悽其貌叔反道復隍耀師
項氏烹苛莫能守之險易同途成敗異時德不在鼎王
孫布詞三苗不循魏武忸怩逆失順獲古今同期申鑒
勒銘庶警將來 獨孤及古函谷關銘曰天地雷雨英
雄交爭設險守固作藩于京姓易時移山空塞平千秋
陵谷想見精靈仙鶴長往雄圖杳冥于以志之勒銘岩

局



欽定四庫全書

御定淵鑑類函
卷三百五十一

四十一

御定淵鑑類函卷三百五十一

欽定四庫全書

御定淵鑒類函卷三百五十二

居處部十三

橋

道路

橋一

原說文曰橋水梁也東楚謂橋為圮爾雅云梁莫大

於湍梁郭璞注梁即橋也或曰梁石橋也石杠謂之猗

亦石橋也廣志云獨木之橋曰權曰杙

權水上橫一木為渡杙今謂之

杙增尚書發鉅橋之粟詩云造舟為梁唐書百

官志曰諸津令掌舟梁灞橋永濟橋以勲散一人蒞之
天津橋中橋以衛士拚掃便橋渭橋萬年三橋有丞河
渠令供祀事則自便橋至東渭橋禁民漁 原初學記曰

凡橋有木梁石梁舟梁謂浮橋即詩所謂造舟為梁者

也周文王造舟於渭秦公子鍼奔晉造舟於河

在蒲坂
夏陽津

今蒲坂浮
橋是其處

秦都咸陽渭水貫都造渭橋及橫橋南渡長

樂官漢作便橋以趨茂陵

對便門作橋故
亦謂之便門橋

竝跨渭以木

為梁漢又作霸橋以石為梁長安又有飲馬橋洛陽魏

欽定四庫全書

子部

御定洲鑑類函卷三百五十二

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣孫梅

謄錄監生臣莊承替

晉以前跨洛有浮橋洛北富平津跨河有浮橋即杜預
所建又有車馬橋鄂坂有黃橋吳有朱雀橋歷晉逮王
敦反後改為乘雀橋又有枝橋羅洛橋張侯橋張昭所
造故名之又有赤欄橋白虎橋雞鳴橋蜀有七橋一沖
里橋二市橋三江橋四萬里橋五夷里橋六竿橋七長
升橋云李冰造上應七星又有雁橋漢安橋廣一里半
又有陰平橋升仙橋相如題者襄陽有木蘭橋一名豬
蘭橋鼠雀谷有魯班橋上方有鬼橋陝城有鴨橋清河

有呂母橋章安有赤蘭橋上虞有百官橋仇池有博山
橋覆津橋鹿角橋泗水有石橋張良遇黃石公處也東
海有石橋秦始皇造過海也後涼有通順橋在燉煌後
燕有五丈橋此皆魏晉以前昭昭尤著者也 三輔黃

圖曰秦始皇兼天下都咸陽營殿端門四達以則紫宮
渭水貫都以象天漢橫橋南渡以法牽牛 增黃圖曰

橫橋三輔舊事云秦造漢承秦制廣六丈三百八十步
置都水令以掌之號為石柱橋 六典曰水部凡天下

造舟之梁四河三洛一河則蒲津大陽萌津洛則孝義也石柱之梁四洛三灞一洛則天津永濟中橋灞則灞橋也木柱之梁三皆渭川也便橋中渭橋東渭橋此舉京都之衝要也巨梁十有一皆國工修之其餘則所管州縣及時營葺張說蒲津贊曰舊制橫絙百丈連艦千艘辦修笮以維之繫圍木以距之亦云固矣然每冬冰未合春泫初解流澌崢嶸縴斷航破無歲不有開元十二載授彼有司俾鐵代竹賦晉國之一鼓法周官之

六齊結為連鎖鎔為伏牛偶立於兩岸襟帶於中潭鎖以持航牛以繫纜亦將厭水物莫浮橋奔測不突積凌不溢 述征記曰方輿縣鬼橋忽一夜聞人呼喚聲車行雷駭曉而石橋自成家家牛皆喘息未定 段國沙州記曰吐谷渾於河上作橋謂之河厲長一百五十步兩岸累石作基陞節節相次大木從橫更鎮壓兩邊俱來相去三丈竝大材以板橫次之施句欄甚嚴飾 帝京景物畧曰右安門外南十里草橋唐時有萬福寺寺

廢而橋存其北土近泉宜花居人以種花為業冬則蘊
火暄之十月中旬牡丹已進御矣橋去豐臺十里中多
亭館元廉右丞之萬柳堂趙參議之瓠瓜亭栗院使之
玩芳亭要在彌望間高林疎柳沿溪夾岸依依有江南
之色 故宮遺錄曰紅門內數十步許有河河上建白
石橋三座名周橋皆琢龍鳳祥雲明瑩如玉橋下有四
白石龍擎戴水中甚壯繞橋盡高柳鬱鬱萬株遠與內
城西宮海子相望 又曰西出內城臨海子海廣可五

六里駕飛橋於海中西渡半起瀛洲圓殿環為石城圈
門散作洲島拱門以便龍舟往來由瀛洲殿後北引長
橋上萬歲山高可數十丈皆奇石因形勢為巖壑輟
耕錄曰萬歲山前有白玉石橋長二百餘尺直儀天殿
後橋之北有玲瓏石擁木門五門皆為石色內有隙地
對立日月石西有石棋枰又有石坐牀左右皆有登山
之徑縈紆萬石中洞府出入宛轉相迷至一殿一亭各
擅一景之妙山之東有石橋長七十六尺闊四十一尺

半為石渠以載金水而流於山後以汲於山頂也 燕
都遊覽志曰出東便門有大通橋水從玉河中出波流
演迤帆檣往來可達通州二三園亭依澗臨水小舫從
几案前過林間桔槔相續大類山莊 明實錄曰京師
九門舊有木橋今悉易之以石兩橋之間各有水閘濠
水自城西北隅環城而東歷九橋九閘從城東南流出
大通而去

橋二

增拾遺記曰舜命禹疏川奠嶽濟巨海則鼃鼃以為橋

梁 原紀年曰周穆王三十七年伐楚大起九師至於

九江比鼃鼃為梁 增水經注曰霸水古曰滋水秦穆

公更名以顯霸功水上有橋謂之霸橋 原蘇子曰微

生與婦人期於梁下不來水至抱梁柱而死

或作尾生

史

記曰秦昭王四十九年初作河橋 燕丹子曰燕太子

丹質於秦秦王遇之無禮乃求歸秦王為機發之橋故

以陷丹丹過之無虞 戰國策曰豫讓欲為智伯報讎

趙襄子當出伏於橋下至橋馬驚曰必是豫讓也求之
果是 增黃圖曰始皇造渭橋鐵鍛重不能移乃刻石
作力士孟賁像祭之鍛乃可移動今石人在 漢書曰

代王乃進渭橋羣臣拜謁稱臣 原史記曰文帝行中

渭橋有一人從橋下走出乘輿馬驚使騎捕之屬廷尉

廷尉張釋之治問曰縣人來聞蹕匿橋下見車騎即走

耳張釋之奏一人犯蹕當罰金

漢書同詳
載設官

增漢書曰

元帝初元中酹祭宗廟出便門欲御樓船薛廣德當乘

輿車免冠頓首曰宜從橋 黃圖曰霸橋在長安東跨

水作橋漢人送客至此橋折柳贈別王莽時霸橋災數

千人以水沃救不滅更霸橋為長存橋 水經曰穀水

又東出屋南逕建春門石橋下橋之右柱銘云陽嘉四

年詔書以成下漕渠東通河濟南引江淮方貢委輸所

由而至使中謁者魏郡清淵馬憲監作石橋梁柱勅工

匠盡要妙之巧 原論衡曰高麗國有侍婢自云有氣

如雞子來下我故有身後生子曰東明東明善射王恐

害其國欲殺之東明走之淹水以弓擊水魚鰲浮而為

橋梁既渡魚鰲解散

事載魏畧
詳鱗介

增華陽國志曰萬里

橋在成都蜀使費禕使吳諸葛亮送之於此歎曰萬里之行始於此橋因名萬里橋 水經注曰諸葛亮表云

臣遣虎步監孟琰據武功水東司馬懿因渭水漲攻琰營臣作竹橋越水射之橋成遂馳去 魏志曰曹公西

征馬超多設疑兵潛以舟載兵入渭為浮橋夜分兵結

營於渭南 原王隱晉書曰杜預起建河橋於富平津

衆論以為周所都經聖賢而不作者必不可作故也預
曰造舟為梁則河橋之謂也遂作橋成上從百官臨會
舉杯勸預曰非君橋不立也預答詔曰非陛下之明臣
亦不獲奉成聖訓也衆咸稱善 增襄陽耆舊傳曰猪
蘭橋其名荻蘭橋橋之左右豐蒿荻於橋東劉季和大
養猪襄陽太守曰此中作猪屎臭可易名猪蘭橋初如
戲言而百姓遂以為名矣 水經注曰趙建武中造浮
橋於延津上採石為中濟石無大小下輒流去用功百

萬經年不就石虎親閱工作沈璧於河明日璧流渚上
波蕩上岸遂斬將而還 隋書曰夫餘王得河伯女而
生一卵一男子破卵而去名曰朱蒙夫餘之臣欲殺之
朱蒙東南走遇一大水曰吾河伯外孫於是魚鱉積而
成橋遂渡 元和志曰大陽橋長七十六丈廣二丈架
黃河為之在陝縣東北三里貞觀十一年太宗東巡遣
武侯將軍丘行恭營造 又曰天津橋在河南縣北四
里隋大業元年初造以鐵鎖維舟鈎連南北夾路對起

四樓其樓為日月表勝之象貞觀十四年更令石工累
方石為脚 舊唐書曰初都城洛水天津之東立德坊
西南隅有中橋及利涉橋以通行李上元中司農卿韋
機始移中橋置於安衆坊左街當時夏門都人甚以為
便因廢利涉橋所省萬計然歲為洛水衝注常勞治葺
李昭德創意積石為脚銳其前以分水勢自是竟無漂
損 又曰金橋在上黨南二里常有童謠云聖人執節
渡金橋景龍三年帝經此橋之京師 又曰鐵牛纜橋

蒲橋在蒲坂夏陽津天下之要津也唐明皇詔鑄鐵牛
八頭柱二十四條連鎖三十二條山架八所牧人八枚
於中流分立亭亭有虹蜺之狀實萬代之奇絕也 又
曰史思明自魏至王師南潰郭子儀以朔方軍保河陽
斷航橋以抗賊 又曰建中四年命韓游瓌拒朱泚於
便橋劉德信以東渭橋有積粟十萬斛癸亥進此東渭
橋十一月李晟自蒲津濟軍於東渭橋 唐舊史曰裴
度集賢里有風亭水榭梯橋架閣 又曰王周四鎮皆

有善政定州橋壞覆民租車周曰橋梁不修刺史過也

乃償民租治其梁 唐詩紀事曰雍陶典陽安送客至

情盡橋問其左右曰送迎之地止此故橋名情盡陶命

筆題其柱曰折柳橋自後送別必吟其詩曰從來只有

情難盡何事名為情盡橋自此改名為折柳任他離恨

一條條 逸史曰崔生入山遇仙女為妻還家得隱形

符潛游宮禁為術士所知追捕甚急生逃還山中隔洞

見其妻告之妻擲其領巾成五色虹橋渡崔追者不及

矣 傳奇曰元徽柳實二人泛海抵孤島上見玉虛尊
師南冥夫人拜謁求歸路夫人曰有百花橋可行俄有
長橋上有異花二人登岸回視已無橋矣 五代史曰
李存進為振武軍節度使築德勝兩城往來頗以為勞
而河北無竹石乃以葦竿維大艦為浮橋莊宗大喜解
衣以賜之 六帖曰杜重威朔州人契丹寇真定轉運
使李谷教重威以三脚木為橋募敢死士過河擊賊
宋會要曰景德四年西京新造訾店渡橋賜名奉先

又曰祥符四年詔洛水橋名迎蹕渭水橋名省方 又

曰祥符四年改蒲津橋曰大慶 又曰祥符五年車駕

臨視新造延安橋先是七日戊辰徙汴河廣濟橋於相

國寺前榜曰延安又作橋跨惠民河榜曰安國 又曰

祥符六年詔昇平名曰迎真以歡迎真像由飛梁登寶

座故也 又曰祥符六年賜南薰門惠民河新橋名曰

延 皇祐三年以惠民河新作橋為安濟橋 又曰祥

符六年賜太清東渦水橋名曰崇真亳州北門外渦水

橋曰靈津應天府穀熟汴水橋曰按蹕開封陳留汴水
橋曰凝祥 宋史曰洛陽橋在福建泉州府城東北跨
洛陽江郡守蔡襄建先是海渡歲溺死者無算襄欲壘
石為梁慮潮浸不可以人力勝乃遺檄海神遣一吏往
吏酣飲睡於海厓半日潮落而醒則文書已易封矣歸
呈襄啟之惟一醋字襄悟曰神其令我廿一日酉時興
工乎至期潮果退舍凡八日夕而功成費金錢一千四
百萬 會要曰治平三年初河中浮梁用鐵牛八維之

一牛數萬斤後水漲絕梁牛沒於河真定僧懷丙以二
大舟實土夾牛維之用木鉤牛徐去土舟浮牛詔賜懷
丙紫衣 又曰熙寧六年熙州浮梁成賜名永通橋延
州浮梁成賜名寧和橋 又曰紹聖二年申嚴黃河浮
橋之禁揭於兩岸 又曰政和四年宋昇奏西京端門
前考唐洛陽圖舊有四橋曰穀水又橋之上十里有石
堰曰分洛自唐以來引水入小河東南入伊 又曰政
和五年詔居山至大伾山浮橋名天成大伾至汶子山

浮橋名聖功 六帖曰康承訓屯海州作機橋維以長
絙賊半渡絙絕士半溺死渡者不得戰殲之 北盟會
編曰宣和五年金人遣趙良嗣過盧溝橋即焚橋梁次
舍 元掖庭記曰順帝為英英起採芳館於瓊華島癸
巳秋乘龍船泛月池上池起浮橋三處每處分三洞洞
上結綵為飛樓樓上置女樂橋以木為質飾以錦繡九
洞不相直達 革除備遺錄曰李景隆徵兵諸路合五
十萬引兵渡盧溝橋遂圍北平築九壘於九門又結九

營於鄭村壩景隆攻麗正門幾破城中婦女並乘城擲

瓦景隆令不嚴驟退北平守益堅內閣藏書目錄曰

永樂十五年鼎建北京宮殿有瑞靄浮空金水橋河冰

凝結浮圖諸像又慶雲呈彩團團如日當御座中且現

五色天花於是大小臣工咸為歌頌有聖德瑞應詩二

十卷宣宗實錄曰宣宗三年命通州修白河富河橋

梁四年上謂行在工部尚書吳中等曰天氣向寒白河

等處人難徒涉不當治橋梁中奏惟白河水深沙溜橋

梁難成宜用官船為梁以濟餘皆用民修治從之

橋三

原造舟

鞭石

上詳前一齊地記曰秦始皇作石橋欲渡海觀日出處始皇以銜名石石皇

行至今皆東首隱軫似鞭撻疲勢似馳逐

飛洛

浮河

成公綏洛楔賦曰飛橋浮濟造舟為

梁春秋後傳曰赧王二十八年秦始皇作浮橋於河

舉杯

受履

上詳前二史記曰張良

嘗遊下邳圯上有一老父衣褐至良所直墮其履圯下顧謂良孺子下取履良因長跪授之父以足納履笑去

作期來云孺子可教徐廣注曰圯橋也

潛犀

陷馬

常璩華陽國志曰蜀郡蒲江有七橋

直西門郛江曰沖里橋西南石牛門曰市橋下石犀所潛泉也魏志曰景元四年伐蜀鍾會先命牙門將許

儀在前理道會在後行而
橋穿陷馬足於是斬儀

蒼蛟

白獺

祖台之志怪
曰義興郡谿

渚長橋下有蒼蛟吞噉人周處執劍橋側伺久之遇出
於是懸自橋上投下蛟背而刺蛟數創流血滿溪自郡

渚至太湖句浦乃死周處風土記曰陽羨縣前有
有大橋下有白獺將有兵動獺出穴口西向而嗥

河

厲 洩梁

段國沙洲記曰吐谷渾於河上作橋謂之河
厲長一百五十步橋兩岸累石作趾階節節

相次大材縱橫更相
鎮壓下詳前一

萬里

五丈

常璩華陽國志曰
蜀郡大城南門曰

江橋自江橋南渡曰萬里橋西上曰夷橋從沖里橋西
北逝曰長升橋崔鴻後燕錄曰慕容垂與劉牢之戰

於五橋澤晉大敗車騎慕容德等引兵要牢之
五丈橋牢之馳馬跳五丈澗會符丕救至而免

應星

似虹

常璩華陽國志曰李冰造七橋上應七星故光
武謂吳漢曰安軍宜在七星橋間也周處風

土記曰陽羨縣前有大橋南北七十二丈橋中高起有似虹形袁君所立也

牽牛飲馬

上詳前二 三輔故事曰漢丞相夏侯嬰墓在飲馬橋東入道南今俗人謂之馬冢

張侯呂

母山謙之丹陽記曰大長安道西張侯橋者本張子布宅處也 郭緣生述征記曰壽張縣梁山際清水呂

母宅在山北東北過 車馬 螭龍 華延俊洛陽記曰水呂母梁積石猶在 城西車馬橋去城

三十里 張衡思玄賦曰服 擊楹 折柱 環濟吳紀 靈龜以負砥 亘螭龍之飛梁 曰孫權赤

烏八年夏有雷霆犯宮門柱又擊商津大橋楹 魚豢 魏畧曰景初中洛陽城東橋城西橋洛水浮橋三柱三

折三柱三公象也時徭役 比鼃鼃 浮魚鰲 詳 大興三公垂頭隱匿故也 前二

張飛斷 吳漢鋸 蜀志曰先主為曹公所追張飛拒後 據水斷橋無敢近者 東觀漢記曰

公孫述大司馬田戎將兵下江關至南郡
據浮橋於江上吳漢鋸絕橫橋大破之

漢宣登

晉惠舍

漢書曰宣帝自甘泉宿池陽宮蠻夷君長侯王
迎者數萬人夾道陳上登渭橋咸稱萬歲王

隱晉書曰惠帝太安二年
九月丁丑上舍於河橋

尾生期

豫讓寢

抱朴子曰尾生

與婦人期於橋下水至不去以至溺死雖有信不如無
也樂資春秋後傳趙襄子遊於園中至於梁馬卻不
肯進青笄為驂乘襄子曰進視梁下前類有人青笄進
視梁下豫讓卻寢佯為死人青笄曰長者且有大事

駕黿鼉

填鳥鵲

文選駕黿鼉以為梁淮南子
曰鳥鵲填河成橋而渡織女

升僊過師

司馬相如往京師過蜀郡升僊橋題其柱
曰大丈夫不乘駟馬車不復過此橋趙

克國奏治湟陁中道橋七十所令可至鮮水
左右以制西域信威千里如從枕席上過師

雁齒

龜浮

橋有雁齒 續斷航見庾信詩

半月 七星

橋似半月 下詳前二

梁差

橋渭

左除道梁差謂作橋於蕩水上後魏崔亮渭水為橋利百姓名崔公橋

達

阻

濟津

司險知川澤之阻而達其道路注謂以橋梁通之以濟要津

不修

必

葺

薛惠為彭城令石杠不修事詳驛必葺之功

伐蜀而作

過陳不梁

魏志

鄧艾伐蜀先作浮橋單襄公過陳見川不梁

石沈以繫

水涸而成

晉成都王

穎字曰章度屯河南阻清水為壘造浮橋通河北以木函盛石沈之以繫橋名曰石鼈水涸成梁

治

之從時

民不病涉

啟塞從時注云門戶道橋謂之啟城郭牆塹謂之塞開閉之急不可

一日而闕故墮壞而治之不可限以土功孟子曰子產脫輶濟人是惠而不知為政十一月徒杠成十二月

輿梁成民不病涉也
徒扛小橋輿梁大橋

增淮陰辱

司馬悔

跨下橋在淮安府城

西即淮陰韓信為少年所辱處
司馬悔橋在新
昌唐司馬子微隱天台山被徵至此而悔因名

伯

通居

慧遠過

阜橋在蘇州府吳縣閶門內阜伯通居
此故名 虎溪橋在九江府廬山東林

寺前慧遠送客至橋
則止過虎溪則禱

植榆置宮

瑣窗抱樓

趙書石勒從幽

州大道滹沱河造浮橋植榆五十里置行宮
殿考興聖宮中建小直殿引運河分流其下甃以白石

大都宮

翼為仙橋四起
瑣窗而抱彩樓

裴航得玉杵

蘇軾捐犀帶

藍橋在西安府

藍田縣即裴航得玉杵白雲英處
紹聖
初蘇軾捐犀帶助役東新橋作詩紀其事

子午

丁卯

唐狄仁傑盧氏堂姨居子午橋別墅
丁卯橋在鎮江府城南晉元帝子哀鎮廣陵運糧出京口因

水涸奏請立埭用丁卯
日後人建橋遂名丁卯

玩月

觀燈

逸史唐玄宗玩
月羅公遠曰陸

下莫要至月中否取拄杖擲之化為大橋色如銀行數
十里精光奪目至大城闕公遠曰此月宮也仙女數百

素練寬衣舞於廣寒宮公遠曰此霓裳羽衣曲也帝密
記其調遂回却顧其橋隨步而滅幽怪錄唐玄宗謂

葉法師曰四方元夕何處極麗曰無踰廣陵俄而虹橋起
於殿前師言但無回顧帝步而上高力士等從俄頃到

廣陵陳設之盛燈火之光皆仰
望仙人見於五色雲中帝大悅

懸磴

累石

懸磴石
橋也跨

穹窿之懸磴洛橋水深淙蓄緒者
告勞李昭德累石代柱自是無患

銷魂

歸老

長安

東瀾陵有橋漢時送行者至此折柳送別唐開元遺事
迎新送故皆至此黯然故又呼為銷魂橋曾鞏有歸

老橋

採虹

吹簫

武夷志曰武夷君幔亭晏曾孫有
採虹橋李太白曰乘橋躡採虹

欽定四庫全書

卷三百五十二

揚州二十四橋在府內並以城門坊市為名隋時置唐杜牧寄揚州韓判官詩二十四橋明月夜玉人何處教

吹簫後人因名為吹簫橋

鳳凰

烏鵲

跨鳳凰橋在松江府城西北跨顧會浦西接鳳凰山尾

故名 白居易詩 烏鵲橋紅帶夕陽

積師得陸羽

似道遇葉李

沔陽州景

陵縣有雁橋舊傳有人見雁集西陂覆小兒於下僧史積師得之育三歲不知其姓以易筮之得蹇之漸又辭

鴻漸於陸其羽可用為儀乃氏以陸名以羽字鴻漸後人因以雁名其橋 宋德祐中詔責授宰相賈似道高

州團練使至洛陽橋葉李乃似道為宰相時所謫貶者自漳州召還見於客邸因作一詞贈之曰余歸路君來

路天理昭昭胡不悟公田闢會竟何如子細思量真自候雷州戶厓州戶人生會有相逢處客中邂逅欠蒸羊

聊贈一篇 長短句

映波鎖瀾

望山壓堤

杭州西湖蘇堤其橋有六曰映波鎖

瀾望山壓堤東
浦跨虹是也

灞水

盧溝

三輔黃圖灞橋在長安東灞水上李商隱詩朝

來灞水橋邊問

盧溝橋在順天府西南三十五里跨

盧溝河金明昌初建長二百餘步石欄刻為獅形每早

波光曉月上下蕩漾

為京師八景之一

吳江絕景

廬山雄觀

長橋在蘇州府

吳江縣東門外有七十二洞舊名垂虹橋東西千餘步橫跨松江前臨太湖乃吳江絕景也

三峽橋在廬山

歸宗寺為廬山雄觀蘇轍記水行間聲似雷霆雖三峽之險莫過於此故名

玉河金梁

玉河橋在順天府南玉河之上凡三一跨長安東街一跨文德坊一近城垣金梁橋在開封府汴蔡故道上

竹橋

楓橋

杜甫有竹橋詩
楓橋在蘇州城西杜牧詩暮煙秋雨過楓橋

橋四

原詩梁簡文帝賦得橋詩曰浮梁既衝險通波信可陵

乘空寫渭石跨岸擬河冰斜闌隱濁霧布影入清澠方

知歌渌水無復榜蒼鷹 又詠壞橋詩曰虹飛亘林際

星渡斷山隅斜梁懸水跡畫柱脫輕朱 又石橋詩曰

惠子臨濠上秦王見海神寫虹便欲飲圖星逼似真

庾肩吾石橋詩曰秦王金作柱漢帝玉為梁仙人飛往

易道士出歸難 蕭若靜石橋詩曰連延過絕澗迢遞

跨長津已數逢仙客兼曾渡鶴人 徐摛壞橋詩曰市

欄生閨蘚覆版沒魚衣岸曲斜梁岨何時香步歸 周

庚信看治渭橋詩曰大夫參下位司職渭之陽富平移

鐵鎖甘泉運石梁跨虹連絕岸浮黿續斷航春舟鸚鵡

色流水桃花香星精逢漢帝釣叟遇周王平堤石岸直

高堰柳枝長羨言杜元凱河橋獨舉觴 王褒和治渭

橋詩曰東流仰天漢南渡似牽牛長堤通甬道飛梁跨

造舟使者開金堰太守擁河流廣陵候濤水荆陝望陽

侯波生從故舶沙漲涌新洲天星識辨對檢玉應沈鈞

空悅浮雲賦非復採蓮謳 宗羈登渭橋詩曰仲山朝

飲馬還坐渭橋中南瞻臨別館北望盡離宮四面衣裾

合三條冠蓋通蘭香想和季雲起憶成公圯上相知早

雞鳴幸共同 陳陰鏗賦得渡岸橋詩曰畫橋長且曲

傍險復憑流寫虹晴尚飲圖星晝不收跨波連斷岸接

路上危樓欄高荷不及池清影自浮何必橫南渡方復

似牽牛 唐太宗賦得浮橋詩曰曲岸非千里斜橋異

七星暫低逢輦渡還高值浪驚水揺文鷁動纜轉錦花

縈遠近隨輪影輕重應人行 張文琮賦橋詩曰造橋

浮渭日鞭石表秦初星文遙瀉漢虹勢尚凌虛已授文
成履空題武騎書別有臨濠上棲偃獨觀魚 增張九

齡天津橋賜宴詩曰清洛象天河東流形勢多朝來逢

燕喜春盡却妍和泉鮪歡時躍林鶯醉裏歌賜恩頻若

此為樂奈人何 韓愈方橋詩曰非閣復非船可居兼

可過君欲問方橋方橋如此作 杜甫竹橋詩曰伐竹

為橋結構同褰裳不涉往來通天寒白鶴歸華表日落

青龍見水中顧我老非題柱客知君才是濟川功合歡
却笑千年事驅石何時到海東 宋鄭毅垂虹橋詩曰

三百闌干鎖畫橋行人波上踏瓊瑤插天帶竦玉腰闊
跨海鯨鯢金背高路直鑿開元氣白影寒壓破大江豪
此中自是銀河接不必仙槎八月濤 劉彥沖洛陽橋
詩曰跨海飛梁疊石成曉風千里渡瑤瓊雄如建業虎
城峙勢若常山蛇陣橫脚底江濤時洶湧望中煙嶼晚
分明往來利涉歌遺愛誰復題橋繼長卿 况志寧百

花橋詩曰波光清淺玉虹橫過客誰題柱上名錦繡鋪

張春色滿小車花下麗人行蘇軾惠州東新橋詩曰

群鯨貫鐵索背負橫空霓首搖翻雪江尾插崩雲溪機

牙任信縮張落隨高低轆轤卷巨索青蛟挂長堤犇舟

免狂觸脫筏防撞擠一橋何足云謹傳東與西父老有

不識喜笑爭攀躋魚龍亦驚逃雷霆生馬蹄嗟此病涉

久公私困留稽姦民食此險出沒如鳧鷖似賣失船壺

如去登樓梯不知百年來幾人隕沙泥豈知濤瀾上安

若堂與閨往來無晨夜醉病休扶攜使君領我言妙割
無牛雞不云二子勞歎我捐腰犀我亦壽使君一言聽
扶藜常當修未壞勿使後噬臍 又西新橋詩曰昔橋
本干柱挂湖如斷霓浮梁陷積淖破版隨奔溪笑看遠
岸沒坐覺孤城低聊因三農隙稍進百步隄炎洲無堅
植潦水輕推擠千年誰在者鐵柱羅浮西獨有石鹽木
白蟻不敢躋似開銅駝峯如鑿鐵馬蹄岌岌類鞭石山
川非會稽嗟我久閣筆不書紙尾驚蕭然無尺箠欲駕

飛空梯百夫下一杙拯此百尺泥探囊賴故侯寶錢出
金閨父老喜雲集簞壺無空攜三日飲不散殺盡西村
雞似聞百歲前海近湖有犀那知陵谷變枯瀆生芟藜
後來勿忘今冬涉水過臍 王安石垂虹橋詩曰三江

五湖口地與天不隔日月所蔽虧東西渺然白漫漫浸
北斗浩浩浮南極誰投此虹蜺欲濟兩間阨中流雜蜃
氣欄楯相承翼初疑神所為滅沒在頃刻晨興在其上
傲兀至中晨獨監造化工不謂因人力今君持酒漿談

笑顧賓客頗誇九州物壯麗此無敵熒煌丹砂柱璀璨

黃金壁中家不慮始助我皆豪殖愧予獨不可還當采

物力 陸游丁卯橋詩曰裴相功名冠四朝許渾身世

老漁樵若論風月江山主丁卯橋應勝午橋 曾鞏海

棠橋詩曰雁起橫連杜若洲碧欄干影在中流蓬萊日

月遊人到誰道仙風解引舟 元揭傒斯三峽橋詩曰

兩山束飛橋下壑不測淵誰開萬尋鐵逗此無窮泉淙

淙輓空曲洶洶投奔川陽光下照之忽作龍騰天常恐

桑田變中有瞿塘船 黃潛金陵天津橋詩曰五雲零
落渺天涯陳迹蒼茫日自斜畫角已吹邊塞曲紅藍新
長內園花可憐遺老埋黃壤曾倚春風望翠華好在北
山猿與鶴依然同住舊煙霞 明劉西村分題楓橋詩
曰涼風起蘋末送子過楓橋落日聞征雁空江生暮潮
星沉吳渚闊雲入楚山遙歸去秋堪把芙蓉葉未凋

王逢垂虹橋詩曰長虹垂絕岸形勢壓東吳風雨三江
合梯航百粵趨葑田連沮洳鮫室亂魚鳧私怪鷗夷子

初心握霸圖 高啟歸吳至楓橋詩曰遙看城郭尚疑
非不見青山舊塔微官秩加身應謬得鄉音到耳是真
歸夕陽寺掩啼鳥在秋水橋空乳鴨飛寄語里閭休復
羨錦衣今已作荷衣

增賦唐杜顏灞橋賦曰溶溶元灞兮經秦川之有餘裹
裹紅橋兮代造舟之厥初飛梁默以霞起綵柱曄其星
舒九陌咸湊三條所如連山疊翠而西轉羣樹分形而
北疎電透孤棹雷奔衆車白石南登望長安之如綺黃

煙東睇見咸陽之為墟杲杲初霽蕭蕭晚吹登隱者之
翹車度將軍之獵騎日既上已楔于洪源晚具遊宴咸
出國門七葉衣冠憧憧而遙度五侯車馬奕奕而騰軒
鐘鼓既列絲竹亦繁秦聲嘔哇楚舞叢雜帷帟紛其霧
委羅綺靄以雷沓掉輕舸之悠悠順清流之納納時憑
倚以觀眺喜煙花之環合 閻伯璵河橋賦曰憑險作
固夾咽喉之重關用否而通連秦晉之長道東西水許
義非待於秦求襟帶山河固可兼於魏寶爾其憧憧往

還曳曳空間華柱上征殊馬援之標界石臺中聳若鼇

力之負山偉哉武侯時賞茲國况天樞要作限通塞旁

達無垠下臨不測舟形崎嶇似火龍之飲川梁勢編綿

疑海鵬之點翼其拯物也有來斯適其濟時也遐方不

殛張仲素河橋竹索賦曰因大索以橫流俾羣材之

攸仰皆恃此以綰繫故不憂夫版蕩徒謂其勁挺為質

連延不一或指遠岸以孤引或自中灘而對出苟易志

而殊途亦齊勞而共逸縱奔漸激射浮湍迅疾駭聲騰

雷驚波湊日雖前後之鼓怒終上下而駢比拔山之倫
扛鼎之匹雖則取之大壯抑亦執之或失豈不以順事
安排故能守乎元吉斯乃道濟行路功深模範人有觀
於投足物寧憂於濡尾 韋充鞭石成橋賦曰在昔嬴
氏八表初吞言巡日域遂瞰海門感召初牽以表迴山
之力峻嶒斯至皆呈見血之痕誠陰陽之不測與天地
而長存當其大駕臨流羣官列位皇威赫其斯震巨石
矻以前至豈惟韞玉皆符投水之姿不俟造舟自叶濟

川之利所以驅汗漫走嶙峋駕巨壑越通津始峩峩而
聚轉忽蕩蕩而惟新岳立星馳異成名於隕宋神符鬼
助若受命於強秦故得勢壓長源影分高浪似迫官刑
之急如構凌波之壯萬靈却走藹朝景以先驅五色爭
臨杳如虹之可望陸肱萬里橋賦曰目斷波中過巫
峯之十二心馳路半到荆門而五千徒觀夫偃蹇東流
崢嶸二色揭華表以相效刻仙禽而對立俄驚迴復潮
生而夕月初明孰敢爭先帆去而秋灘正急眇天末之

殊方有人間兮異鄉顧盼而層陰動色徘徊而浮柱生
光飾丹艸以雖同彼臨淮海度軒車而既易此對銅梁
古來幾許行人曾經此路跨綠岸以長存俯清流而下
注寧為駐足之所莫問傷心之故

增銘唐玄宗石橋銘曰梁園勝躅碣館佳遊苔深石暗
山斜路幽橋非七夕節是三秋爰停弄杼共此淹留

張說石橋銘曰玉梁架迥碧沼涵空石鞭海上鎖鍛河
中橫漢飛鵲規天拖虹仙聖來往風雲路通

增記宋蔡襄萬安渡石橋記曰梁州萬安渡石橋始造於皇祐五年四月庚寅以嘉祐四年二月辛未訖功營址於淵醜水為四十七道長二千六百丈廣丈有五尺翼以扶闌如其長之數而兩之糜金一千四百萬職其事者盧錫王實許忠浮屠義波宗善等十有五人既成太守蒲陽蔡襄為之樂合燕飲而樂之明年秋蒙召還京路由是出因記所作勒於岸左

道路一

原劉熙釋名曰道蹈也路露也言人所蹈而露見也

釋名曰塗度也言所由得通度也堂塗曰陳言賓主相迎陳列之處 又曰城下路謂之濠步所用道謂之蹊

增周禮曰遂人凡治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路以達於畿 原又曰匠人營國國中九經九緯經塗九軌環涂七軌野涂五軌凡道路之舟車輦互者叙而行之凡有節者及有爵者至則為辟

禁野之橫行徑踰者 爾雅曰一達謂之道路二達謂

之岐旁三達謂之劇旁四達謂之衢五達謂之康六達

謂之莊七達謂之劇驂八達謂之崇期九達謂之達廟

中路謂之唐 廣雅曰墀軌垣街徑闌闌畹道也又

畛塗陳阡陌術亦道路別名 五經要義曰將行者有

祖道一曰祀行言祭祀道路之神以祈也 三輔故事

曰桂宮周遭十里內有複道橫北渡西至神明臺 任

豫益州記曰江曲由左擔道按圖在陰平北於成都為

西其道至險自北來者擔在左肩不得度擔也鄧艾束馬懸車之處風俗

通曰南北為阡東西為陌增三輔決錄曰長安城面
三門四面十二門皆通達九達以相經緯衢路平正可
並列車軌十二門三塗洞闢隱以金椎周以林木左右
出入為往來之徑行者升降有上下之別郡國志曰
雍州軟道在道化門東北十里

道路二

增淮南齊俗曰帝顓頊之法婦人不避男子於路者拂

之於四達之衢今之國都男女切蹠肩摩於道其於俗

一也 原博物志曰文王以太公為灌壇令昔年風不

鳴條文王夢一婦人甚麗當道而哭問其故曰我泰山

之女嫁為西海婦欲歸灌壇令當道有德吾不敢以乘

風雨過 增韓子曰管仲從桓公伐孤竹春往冬還迷

惑失道管仲曰老馬之智可用也乃放老馬而隨之遂

得道 原呂氏春秋曰子產相鄭桃李垂於術 增呂

樂成曰孔子用魯三月男子行乎途右女人行乎途左

財物之遺者民莫之舉 列女傳曰楚野辯女者昭氏

妻也鄭簡公使大夫聘於荆於狹路有一婦人來車與
大夫遇擊折車軸大夫怒將執而鞭之女曰妾聞君子
不遷怒不貳過今狹路之中妾之避也極矣而子大夫
之僕不肯少伺是以廢大夫之車而反執妾豈非遷怒
哉不怒僕而怒妾豈非貳過哉 水經注曰漳水北逕

祭陌西戰國之世徐巫為河伯娶婦祭於此陌西門豹
投巫河中淫祀雖斷絕地留祭陌之名 史記曰張良

至褒中因說漢王燒絕棧道以備諸侯盜兵亦示項王

無東意 原漢書曰惠帝為東朝長樂宮作複道方築

高帝廟南叔孫通曰陛下築複道高帝寢衣冠月出遊

高廟子孫奈何宗廟道上行哉帝懼曰急壞之通曰人

主無過舉今已作百姓皆知矣願陛下益廣宗廟大孝

本也帝從之 又曰文帝行至霸陵是時慎夫人從上

示慎夫人新豐曰此走邯鄲道也 增前漢書曰鮑宣

為司隸丞相孔光四時行園陵官屬以令行馳道中宣

沒入其車馬 又曰王霸為上谷太守治飛狐道堆石
布土自代至平城三百餘里 原東觀漢紀曰逢萌被
徵上道迷不知東西曰朝廷所徵我者為聰明睿智有
益於政方向不知安能濟政即駕而歸 增後漢書曰

建初八年鄭弘為大司農舊交趾七郡貢獻轉運皆從
東治泛海而至風波艱阻沉溺相系弘奏開零陵桂陽
嶠道至今為常路 雜記曰隋煬帝發江淮民十餘萬
開邗溝自山陽至揚子入江鑿渠廣四十步傍皆築御

道植以柳焉

大唐新書曰舊制京城內金吾曉暝傳

呼以戒行者馬周獻封章始置街鼓俗號鼕鼕公私便

焉有道人裴修然歌詞曰遮莫鼕鼕鼓須傾滿滿杯金

吾倘借問報道玉山頽

通鑑曰貞觀二十一年以鐵

勒回紇等十三部內附諸酋長奏稱臣等既為唐民往

來天至尊所如詣父母請於回紇以南突厥以北開一

道謂之參天可汗道置六十八驛各有馬及酒食以供

過使歲貢貂皮克租稅

地里志曰洋州興道有駱谷

路南口曰儻谷北口曰駱谷真符本華陽天寶八載開
清水谷路復置因鑿山得玉冊更名 又曰韶州始興
有大庾嶺新路開元十七年詔張九齡開 唐書曰帝
幸汾陽宮狄仁傑為知頓使并州刺史沖元以道出妬
女祠俗言盛服過者致風雷之變更發卒數萬改馳道
狄仁傑曰天子之行風伯清塵雨師灑道何妬女之為
耶止其役帝壯之曰真丈夫哉 通鑑曰陝州水陸運
使李泌奏自集津至三鑿門開車道十八里以避砥柱

之險 國史補曰度支欲取兩京道中槐樹為薪更栽

小樹先下符牒華陰華陰尉張造判牒曰召伯所憇尚

不翦除先皇舊遊豈宜斬伐乃止 地里志曰貞元七

年刺史李西華自藍田至內鄉開新道七百餘里迴山

取途人不病涉 尚書故實曰李白嘗為蜀道難歌曰

蜀道難難於上青天白以刺嚴武也後陸暢復為蜀道

易易於履平地暢以佞韋臯也 唐新語曰陸象先為

益州長史奏嘉邛路遠請鑿岷之南以從捷近發卒從

役民人不堪多道亡病死左拾遺張宣明監姚雋諸軍
事兼招慰使乃親驗其路審其難險移牒益州曰此路
高山臨雲深谷無影至有斗絕巨險殆不通人跡徑之
者必搏壁傍崖脅息而度雖竟日登頓二十許里木人
猶堪下淚鐵馬亦可蹄穿象先覽之兢惕遽罷役仍舊
路以聞蜀人賴焉 唐史曰高駢鎮安南使者歲至乃
鑿道五所置兵護送其徑有青石或傳馬援所不能治
有雷碎其石乃得通因名道曰天威

道路三

原劇驂

方軌

上詳前二

左思蜀都賦曰闢

龜背

羊腸

許慎說文曰馗九達道也似龜背故謂之馗
魏武帝苦寒行曰羊腸坂詰屈車輪為之摧王

智深宋紀曰氏人楊難當居在仇池
山高二十里羊腸盤道三十六迴

八達

九緯

上詳

前一 周禮匠人營國中九經九緯經塗九軌鄭玄
注曰國中城內也經緯之塗皆容九軌軌謂轍廣

鹿蹊

馬跡

周易曰艮為徑路鄭玄注曰田間之道曰
徑路艮為之者取山間鹿兔之蹊 鄧道

元注水經曰晉昌郡南及廣武馬蹄谷盤石上有
馬跡若踐泥中自然之形故其俗號曰天馬徑

九

陌

四衢

漢宮殿疏曰長安中有九陌 何法盛晉中
興書穆帝昇平二年詔曰伏飛 督王饒忽上

吾鵲鳥以辟惡此山物豈宜妄進於是鞭饒二百使殿中孫雲監臨於四衢道焚之

迎鐘狗

鐸

呂氏春秋曰中山之國有風繇者智伯欲攻之而無鐸道為鑄大鐘方車二軌以遺之風繇之君斬岸埋谿

以迎鐘隨而攻之而風繇遂亡尚書曰每歲孟春道人以木鐸狗于路

交會多岐爾雅

曰五達之康孫炎注曰康樂也交會樂道也列子曰揚子隣人亡羊率其黨請揚子監追之揚子曰亡一羊

何追者衆曰多岐路既返問獲羊乎曰亡岐路既多之中又有岐焉吾不知所之故返揚子曰大道以多岐亡

羊人以多方喪生

隱金堆石

漢書賈山曰秦東窮燕齊南極吳越蹕道廣五十步隱以

金椎樹以青松為馳道之麗至於此也注云隱築也東觀漢記曰王霸為上谷太守修飛狐道至平城堆石

布土三百餘里

三條九軌

班固西都賦曰披三條之廣路立十二之通門下詳前一

藩竹

樹槐

百府自宮門至朱雀橋夾路作府舍又

開大道使男女異行夾道皆築高牆瓦覆或作竹藩

崔鴻前秦錄曰苻堅滅燕趙之後自長安至於諸州皆

夾路樹槐柳二十里一亭四十里一

立都

列亭

國語

曰周制有之曰列樹以表道立鄙舍以守道路謂置候

人官也東觀漢記曰衛尉為桂陽太守鑿山通路列

亭置驛斬蛇焚鴆史記漢高祖以亭長送徒於驛山

蛇蛇為兩徑開數里下詳四衛注束馬覆輪上詳前二潘尼惡

峭軌長輪輿顛覆人馬仆僵桂道蘭術七陌九阡劉義恭詩曰

深林冒蘭術曹植詩曰東西經七陌南北越九阡銅駝石牛洛陽大道有

銅駝因名之

秦惠王欲伐蜀乃刻石牛置黃金於後曰此天牛能糞金蜀王以為然即遣五丁力士泥成道入蜀使張儀

隨其道如砥若水詩周道如砥文有蕩無

壅魯道有蕩傳道路無壅開通平易月令季春開通道路無有障塞傳曰司空以

時平易道藩塞樹阻周禮國有故藩塞阻路而止行者謂閉要路以備姦寇又曰

設國之五途而樹之以為阻固注五途道路也設祖燒棧二疏告老設祖道供帳

漢王燒絕棧道必循不徑焦先字孝然行不踐斜徑必循

身除骹掩骼謂死人骨及禽獸骨禁謂孟春掩骼埋胔之屬甚夷

且長老子大道甚夷而民保路閉塗安道路人楚

次定四庫全書御定淵鑑類函三

曰不通
內外使

掌修除

達陷絕

周禮野廬氏掌達國道路至於四畿時祭祀則率其

屬修除
下之道路

合方氏掌達天不得津梁陷絕

禁馳騁

禁歌哭

修閭氏禁以兵

草趨行者與馳騁於國中者
器呼歎鳴於國中者行歌哭於國中者

銜枚氏禁

司空視

合方掌

途下詳前

雨畢除

十月塞

國語雨畢而除道十月塞蹊徑

可南北
通子午

楊朱泣岐路謂其可以南可以北王莽通子午谷後漢詔罷子午

道通
斜谷

端徑術

列樹表

月令孟春端徑術端正也徑步道也術車道也下詳周

禮

死者埋

行者讓

蜡氏掌若有死於道路者則令埋而置楬焉書其日月焉懸其

衣服任器於有地之官以待其人注蜡七預反
家語曰西伯化行而耕者讓畔行者讓路

窮車

轍絕輜重

阮藉常率意獨駕不由徑車轍所窮輒慟哭而返間道絕其輜重

通回

中築甬道

武帝通回中道陽築為甬道屬之漢王軍榮

當孔道

導微行

西域傳不當孔道微行注微行牆下行徑也

金吾式青樓臨

漢百官志曰式道掌微巡京師武帝更名執金吾古詩青樓臨大道

假虞伐虢假

陳聘宋

晉侯假道於虞以伐虢聘宋假道於陳道第不可行謂草穢塞路

隨

山以刊

知阻而達

馬援拜伏波將軍緣海隨山刊道千里周禮司險以周知其山林

川澤之險而達其道路注達者謂山林之阻則開鑿之川澤之阻則橋梁之通道路也

所過糞

除不爭險易

第五倫事詳灑掃禮道途不爭險易之利

路不拾遺

道無列樹

子產相鄭路不拾遺

羊腸若砥

馬跡如流

通衢

坦途輦轂

轍迹

增天衢

霄塗

易曰何天之衢道大行也

宵塗初學記曰嚴遠

大路

中達

詩曰遵大路兮又施於中達

遲遲

跶跶

詩曰行道遲遲中心有違又跶跶周道鞠為茂草

皇衢

古道

皇衢天子之衢

道也動大路遵皇衢

唐詩云蒼黃迷古道

馳道

織路

馳道天子出行之道思玄賦

康織路於四裔斯與彼其何廖

津途

水逕

初學記曰津途去不迷水逕者即水路藝文

曰後有水逕繚繞回圓

馬陵

鳥道

馬陵道在大名府城東南即孫臏伏弩射龐涓處

鳥道蜀有鳥道言徑窄纔可通鳥耳

陳倉

方軌

陳倉道在漢中成都府沔縣蜀漢曹魏交

戰所 蜀都賦
畫方軌之廣途

飛狐

石牛

飛狐道在廣昌縣北入
懷仁界鄺食其說高祖

塞飛狐之口即此
丈有餘刻石言漢永平中司隸校尉楊厥所開建和二

水經注東南歷小石穿山通道六

年王升琢石頌德蓋
因石牛道而廣之

問途

讓道

莊子黃帝將見大
隗於具茨之山方

明為御至於襄城之野七聖皆迷無所問途焉
之君相與爭田久而不平乃相謂曰西伯仁人也蓋徃

質焉乃相與朝周入其境
則耕者讓畔行者讓道

回中

陰平

回中道在陝
西平涼府涇

州上有王母宮漢武求神仙於此
文縣乃秦蜀門戶鍾會伐蜀姜維請備陰平後主不從

及於

康衢

莊堧

列子堯微服遊於康衢聞兒童謠
曰立我蒸民莫非爾極不識不知

順帝之則
選士民滿莊堧

棄灰

積鹽

韓非子殷之法刑棄灰
於街者子貢以為重問

之仲尼仲尼曰知治之道也夫棄灰於街必掩人掩人
人必怒怒則鬪鬪則三族相殘也此殘三族之道雖刑
之可也且夫重罪人之所惡也而無棄灰人之所易也
使人行其所易而無罹所惡此治之道也又曰殷法棄
灰於公道者斷其手子貢曰棄灰之罪輕斷手之罰重
古人何太毅也曰無棄灰所易也斷手所惡也行所易
不闕所惡古人以為易故行之第五倫客河東變名
姓稱王伯齊載鹽往來太原上黨道所過輒為糞除陌
上
靈山斜谷
司馬相如傳畧定西南夷通靈山道
封敖傳歷平盧興元節度使初鄭
涯開新路水壞其棧教
更治斜谷道行者告便
立銅表植槐木
魏志曰文
帝迎薛靈
芸大道傍一里置銅表五尺以志里數
為雍州刺史先是路側一里置土堠經雨頽壞每煩修
之自孝寬臨州乃敕部內當堠處植槐木代之既免修
復行旅又得庇蔭周文後見怪問知之曰豈得一州獨

爾當與天下同之於是分諸州道路一
里植一木十里植二木百里植五木焉

龜背得路

龍尾垂地

韻府黃赭入山迷路忽見大龜騎其背路即
在向從行十餘里得蹊路而出賈氏談錄

含元殿側龍尾道自平階凡屈曲七轉由丹鳳門北望
宛如龍尾垂於地焉兩垠欄檻悉以青石為之至今石
柱猶存焉

迢遞

修迴

迢遞長也曠瞻迢遞修迴長遠也路逶迤而修迴

會達

阻塞

四會五達道路通於遠近之
謂路梗謂道路阻塞也

灑倚

危阻

灑倚

一高一下一曲一直長遠也道灑
倚以正東又曰踐蹊隧之危阻

畏途

迷路

畏途險峻

可畏之途也畏途巉巖不可攀仙途亦曰
畏途丘希範曰迷路知返往哲是與

迷途

失

路

陶潛歸去來辭實迷途其未遠覺
今是而昨非杜詩失路武陵源

連雲

侵星

連雲

棧在漢中府褒城縣舊有棧閣二十九
百八十九間 鮑照詩曰侵星赴早路

桃李成桑

麻映

謝玄暉詩桃李成蹊徑桑麻映道周

望芝田

俯青郊

唐詩迢迢芊路望芝

田熟 杜詩綠紅路熟 俯青郊

秦棧

蔣徑

秦棧即棧道也

唐詩芳樹連秦棧 杜詩卜築

應同蔣 詭徑

古馗

經途

古馗 古馗 古道路也

文選曰崢嶸經途都邑中直道也

紫路

霧術

紫路帝京也藝文曰心馳紫路霧術路也曜靈軒於霧術

複道

夷塗

阿房宮賦複道行空不霽何虹 夷塗即平塗也

入山煙

行木杪

唐詩

曰鳥路入山煙 杜詩路危行木杪

道路四

原詩宋謝靈運入東道路詩曰整駕辭金門命旅惟詰
朝懷居顧歸雲指塗汭行飈屬值清明節榮華感和韶
陵隰繁綠杞墟圃粲紅桃嘒嘒羣方雉纖纖麥垂苗隱
軫邑里密緬邈江海遼滿目皆古事心賞貴所高魯連
謝千金延州權去朝行路既經見願言寄吟謠 鮑照
還都道中詩曰昨夜宿南陵今旦入蘆洲客行惜日月
崩波不可留侵星赴早路畢景逐前儔登艫眺淮甸掩
泣望荊州絕目盡平原時見遠煙浮 又還都在路詩

曰夕聽江上波遠極千里目寒煙警窮谿爽氣起喬木

齊謝朓休沐重還道中詩曰還邛歌似賦休汝車騎

非霸池不可別伊川難重違汀葭稍靡靡江葉復依依

田鵲遠相叫沙鴝忽爭飛雲端楚山見林表吳岫微歲

華春有酒初服偃郊扉梁沈約循役朱方道路詩曰

分繻出帝京升裝奉皇穆洞野屬滄溟聯郊遡河服日

映青丘島塵起邯鄲陸江移林岸微岩深煙岫複歲嚴

摧磴草午寒散嶠木縈蔚夕飈卷蹉跎晚雲伏霞志非

易從旌軀信難牧豈慕淄宮梧方辭兔園竹羈心亦何

言迷蹤庶能復 隋孫萬壽東歸在路詩曰學宦兩無

成歸心自不平故鄉尚千里山林猿夜鳴人愁慘雲色

客意慣風聲羈恨雖多緒俱是一傷情 唐李百藥途

中述懷詩曰伯喈遷塞北亭伯之遼東伊余何為客獨

守雲臺中途遙已日暮時泰道斯窮拔心悲岸草半死

落巖桐目送衡陽雁情傷江上楓福兮良所伏今也信

難逢丈夫自有志寧傷官不公 增元稹長安道詩曰

漢家宮殿含雲煙兩宮十里相連延晨霞出沒弄丹闕
春雨依微自甘泉春雨依微春尚早長安貴遊愛芳草
寶馬橫來下建章香車却轉避馳道貴遊誰最貴衛霍
世難比何能蒙主恩幸遇邊塵起歸來甲第拱皇居朱
門歲歲臨九衢中有流蘇合懽之寶帳一百二十鳳凰
羅列含明珠下有錦繡翠被之燦爛博山吐香五雲散
麗人綺閣情颺颺頭上駕釵雙翠翹低鬟曳袖迴春雪
聚黛一聲愁碧霄山珍海錯棄藩籬烹犢炮羊如折葵

既請列侯封部曲還將金印授廬兒歡榮若此何所苦
但苦白日西南馳 宋歐陽修奉使道中作詩曰執手
意遲遲出門還草草無嫌去時速但願歸時早北風吹
雪犯征裘夾道花開回馬頭若無一月還家樂爭奈千
山遠客愁 又曰為客莫思家客行方遠道還家自有
時空使朱顏老禁城春色暖融怡花倚春風待客歸勸
君還家須飲酒記取思歸未得時 元熊鉉越州道中
詩曰野田秋溜正潺潺新翠喬林繞舍環淡日凝煙橫

別浦斜風吹雨過前山柴扉初放牛羊出漁艇方攜蟹
蛤還自笑平生好遊覽天教長在水雲間 元好問陽

瞿道中詩曰長路伶俜裏羈懷蒼莽中千山分晚照萬
籟入秋風頻見參旗縮虛傳朔漠空故園歸未得細問
北來鴻 又藥山道中詩曰西風砧杵日相催著破征
衣整未迴白雁已銜霜信過青林間送雨聲來 又岳

山道中詩曰野禾成穗石田黃山木無風雨氣涼流水
平岡儘堪畫數家村落更斜陽 耶律楚材王屋道中

詩曰勝克河中號令齊神兵入自太行西昏昏煙鎖天

壇暗漠漠雲埋王屋低風軟却教冰泛水寒輕還使雪

成泥行吟想像覃懷景多少梅花拆玉溪 劉秉忠嶺

北道中詩曰雨霽輕煙鎖翠嵐五更殘月照征驂王戈

定指何方去天意仍教我輩參霸氣堂堂在西北長庚

朗朗照東南江山如舊年年換誰把功名入笑談 郝

經滿城道中詩曰十二西郎縹緲中顏行壁立插晴空

欲攜天地諸山去不逐秦鞭過海東 趙孟頫清河道

中詩曰揚舲清河流開蓬素秋曉爛斑被厓花委蛇順
流藻天清去雁高野闊行人小故園歸有期客愁淨如
埽 張養浩中都道中詩曰細草和煙展翠茵雜花勻
簇道旁春鳴禽曠野棲無樹破屋荒山住有人露濕敝
袍寒襯月風餐行鉢暗凝塵去年閩海今沙漠贏得霜
華鏡裏新 薩都拉吉安道中詩曰西風吹雁不成行
萬里孤舟下夕陽度峽冷風歌客帽卷簾涼月落琴牀
江湖水滿鷗偏樂花柳春深馬正忙又看青原山色好

故鄉歸計喜相將 黃鎮成東陽道中詩曰出谷蒼煙

薄穿林白日斜岸崩迂客路木落見人家野碓喧春水

山橋枕淺沙前林鳥杻熟疑是早梅花 明汪廣洋嶺

南道中詩曰過盡梅關路灘行喜順流潯江元到海橫

石不容輶嶺樹垂紅果汀沙聚白鷗從來交廣地還是

古揚州 張羽金陵道中詩曰孤舟曉出古關西江樹

蕭疎遶壞堤七國岡前寒雪霽三茅峯頂暮雲齊酒家

寂寞人稀醉車馬縱橫客易迷迢遞漸看宮闕近月明

時聽夜烏啼

原碑陳徐陵丹陽上庸路碑曰臣聞在天成象咸池屬
於五潢在地成形滄海環於四瀆國險者固其金湯儲
蓄者因於轉漕貨財為禮專俟會通厥田為上皆資滲
漉大矣哉坎德之為用也是以握圖之主財以利民御
斗之君因之顯教上哉少昊初命水官逝矣高陽爰重
冥職舜為太尉於是九澤載疏禹作司空然後百川咸
導開華山於高掌鑿靈沼於周原莫匪神功皆由聖德

我大梁之受天明命勞已濟民有道稱皇無為曰帝若
夫雲雷草創翦商黜夏之勲鑄寶鼎於昆吾安能紀勒
陳鳴鐘於豐岳豈識揄揚斯固名言之所絕也及乎膺
斯寶運大拯橫流屈至道於汾陽勞凝神於藐射聖人
作樂簫韶備以九成盡禮春官總於三代豈止金門桴
竹玉尺調鐘公帶獻明堂之圖匡衡建后土之議若斯
而已矣天降丹鳥既序孝經河出應龍乃弘周易若夫
固天將聖垂意藝文五色相宣八音繁會不移漏刻繞

命口占御紙風飛天章海溢皆紫庭黃竹之詞晨露卿
雲之藻漢之兩帝徒有詠歌魏之三祖空云詩賦以為
彭老之教終沒愛河儒墨之宗方難火宅豈如五時八
會之殊文天上人中之妙典雪山羅漢爭造論門驚嶺
名僧俱傳經藏香象之力特所未勝秋兔之毫書而莫
盡忠信為寶禳祈免於白駒明德惟馨山川舍於騂犢
至如月離金虎泥染石牛蒼蔚朝興滂沱晚至而清蹕
纔動纖羅不搖高閑將臨油雲自闢陽鳥馭日寧懼武

賁之功飛雨蔽天無待期門之蓋震維舉德非曰尚年
若發居鄴猶莊在漢濤如白馬既凝廣陵之江山曰金
牛用險梅湖之路專州典郡青鳧赤馬之船皇子天孫
鳴鳳飛龍之乘莫不欣斯利涉玩此修渠乍擁節而長
歌乃撻金而鳴籟斯實曠世之奇功無疆之鴻烈者也
銘曰后王降德于衆兆民高文象緯妙義幾神業冠遷
夏功踰入秦時維大畜象及同人慧雨方雷禪枝獨春
帝德惟厚皇恩甚深觀乎禹迹見我堯心

封疆一

增說文曰封爵從之從土從寸徐曰各之其土也寸守其制度也隸作封從圭所執也疆界也 又曰封分封

也兩國之界曰疆 周禮曰大司徒制其畿疆而溝封

之

注溝穿地為阻固也封謂起土界也

又曰凡建邦國以土圭土其地

而制其域諸公之地封疆方五百里其食者半諸侯之地封疆方四百里其食者三之一諸伯之地封疆方三百里其食者三之一諸子之地封疆方二百里其食者

四之一諸男之地封疆方百里其食者四之一 又曰
形方氏掌制邦國之地域而正其封疆 又曰職方氏
乃辨九服之邦國曰侯甸男采衛蠻夷鎮藩在王畿外
各方五百里 大戴禮曰五十里為疆 書曰侵于之
疆 詩曰徹申伯土疆 又曰侵自阮疆 前漢書曰
同十為疆疆十為畿畿方千里 又曰分境畫疆

封疆二

原白帖曰燕莊王送齊桓公入齊境公曰非天子命諸

侯相送不出境吾不可以無禮於燕於是分溝割燕君所至地與之 增左傳曰宋鄭之間有隙地宋鄭為盟

曰勿有是

注各勿有之

史記曰趙武靈王北破林胡樓煩

築長城自代傍陰山下至高闕為塞而置雲中雁門代郡 又曰始皇帝使蒙恬將數十萬衆北擊胡悉收河南地因河為塞築四十四縣城臨河徙謫戍以克之因邊山險澁谿谷起臨洮至遼東萬餘里 廣記曰馬援到交趾立銅柱為漢之極界 後漢書曰馬成拜揚武

將軍屯常山中山以備北邊又代驃騎大將軍杜茂繕
治障塞自西河至渭橋河上至安邑太原至井陘中山
至鄴皆築保壁起烽燧十里一候唐書曰開元中吐
蕃請交馬於赤嶺互市於甘松嶺宰相裴光庭曰甘松
中國阻不如許赤嶺乃聽以赤嶺為界表以碑刻約其
上令金吾將軍李佺監赤嶺立碑又曰裴度以李師
道怙強請帝誅之田弘正請於黎陽濟合諸節度曰魏
博軍度黎陽即叩賊境封畛比隣易生顧望宋史曰

太祖得天下以所持王斧畫輿地圖曰自大渡河為界
此外吾不有也故二百年無外患

封疆三

原申畫

慎守

書申畫郊圻疆場之事慎守其一備其不虞

溝封地域

俱詳封疆一

甌脫

綺分

史東胡與匈奴間中有棄地千餘里各居其邊為甌脫東胡請

於冒頓吾欲有之冒頓怒曰地國之本也遂襲滅東胡注甌脫界上屯守處文選疆場綺分

四郊

六遂

遂士掌四郊注主四郊之獄遂人掌六遂注若司六鄉自遠郊達於畿中

治鄙

立封

周禮入則治都鄙注都之所居曰鄙公卿大夫采地王子弟所居邑封人中士四人掌設王

之社壇為畿封而樹之凡封國設其社稷之壇封其四疆注封國建諸侯立其國之封

何常

有定

疆場之邑一彼一此何常之有諸侯正封注封疆有定分也

溝洫

都家

子產

云田有溝洫注云封疆溝洫方士掌都家注四百里至五百里公所食邑都王子弟及公卿采地家大夫采

地

送迎

拓畫

侯不出疆送迎賓客單襄聘楚假道於陳知國必亡拓土畫疆

削引

封疆之削何國蔑有主齊盟者誰能辨焉注辨治也引其封疆引正也

封人典

令尹開

穎谷封人注穎考叔也封人典封疆者仲夾為楚令尹封畛於汝開封畛北至汝水彭

宋鄭之隙 吳楚之釁

上詳封疆二氏之處女與吳邊邑妄爭桑

二家怒相滅邊邑怒而攻吳楚之釁始於邊女

入境割地

無主啟戎

上詳封疆

二疆場無主則啟戎心

天子經畧

諸侯正封

左傳

增井疆

里疆

尚書曰殊厥井疆戴禮曰五十里為疆大

表助險固

提舉封數

周禮制其畿助險固也

東方朔曰提舉四方之內總其封數

四疆

九服

禮夏官職方封其四疆辨九服之邦國曰侯甸男采衛蠻夷鎮藩

又曰職方氏乃

在王畿外各方五百里

侵

徹

尚書侵于之疆詩曰徹申伯土疆

周召主

吳蜀界

公羊傳自陝而東周公主之自陝而西召公主之衛山縣有銅柱吳黃武二年程普與蜀將

關羽分界

閉玉關

立銅柱

和帝朝匈奴入寇河西議者因欲閉玉關以絕其患廣

記馬援到交趾立銅柱為漢之極界

恢復

開拓

本紀宋文帝有恢復河南志詔簡甲卒五

萬給右將軍到彥之使告魏主曰河南舊是宋土中為
彼所侵今當收復舊境不闕河北魏主大怒曰我生髮
未燥已聞河南是我疆土豈可得
房玄齡疏陛下拓地開疆亦可止矣
分境畫疆 據

險斥地

前漢地理志分境畫疆 唐記王忠嗣徙河東
節度自雲中至朔方表廣數千里據要險築城

堡斥地
甚遠

取漢南

界河北

本傳曰唐張仁愿奪取漢
南之度於河北築三受降

城首尾相應以絕南寇之路
與突厥以河為界河北岸有拂雲神祠突厥將入寇必
先詣祠祭酌求福因
牧馬料兵而後渡河

赤嶺界碑

玉斧畫地

俱詳
前二


易生顧望

欲無侵漁

唐紀裴度以李師道怙強請帝
誅之田宏正請於黎陽濟合諸

節度曰魏博軍度黎陽即叩賊境封畛比聯易生顧望
金節要朝廷始議割地但云燕雲兩路而已初謂燕

山之路盡得關內之地殊不知關內之平州與燕山異路也由是破遼之後金人復得平州路金既據平州則關內之地蓄漢雜處欲無侵漁之患得乎



御定淵鑑類函卷三百五十二